

漸西邨人初集附錄
二



漸西郵人初集

附錄

書 冊 卷

漸西村人初集

詩五

答鄭襄 癸酉

昨枉投佳什。叩門如舊知。清詞霏似雪。元理析成絲。
山有三枚葉。川迥一葉舟。人言令君好。幽壑變靈湫。

簡鄭全椒

五龍六甲年。非秋類捷閉。依依會合初。姣姣陽春麗。名理感我心。枝葉謝蕪綴。寔然江介士。鉤深見孤詣。
獨秀抽天穎。浮榮笑羣脆。喬松薄景光。甯爲朝菌蔽。且歸捷閉深。促桂無緩裔。晚俗賤閭嫗。毋爲銜珍髻。
令君悵將行。賤子亦失職。飛沈雖異輟。意氣微相埒。山烟帶郭寒。溪蘚流冰塞。祖飲戒崇朝。降思長緘憶。

城中有一鶴

城中有一鶴。城外巢一螻。螻鶴互紆結。志俱在西山。西山景氣佳。昆明湖水暄。萬燥待春澤。丹邱潤津魂。
夜思楓棧闕。晝接祇陀園。園中復何有。橘實如金盆。螻鶴同入市。市人拍手言。君爲不留鄧。我爲絕纓髡。

再送湛侯別

正月中。與鄭令君
同游寶林寺題名。

是時有星出于井。民間訛言日夜出。填星之精流黃彗。鄭云彗色正黃。在秦蜀分。天文家言歲星蒼。熒惑之類。赤。填黃太白白。辰黑。五星之彗。流爲五色彗也。太興元年事非一。淮江之閒山谷中。賢吏登車去何疾。訂交國火已更槐。頗仗高生介詞質。邇來俯仰動忤俗。日以委蛇掩崑崙。共資閩縣澍薪火。銘狀未爲心卹卹。潞山西畔陰陵東。未買尺地栽蘿菥。匡風夜落柏子實。溪石遠采丹沙空。應須服食索方藥。未遇鍊師難爲功。令君去。鸛鵲啼。索我贈言重致辭。爲語前年銅井游。山中神漢青流黎。靈泉渟蓄不得洩。一溉可蘇千頃畦。散人濩落何足惜。愛君異政留山蹊。他時行取騎驄馬。勿諱災異言天扉。

銅井在全椒縣治西南五十里。廣可二百弓。不知何
以名井也。波濤深不可測。中有巨魚。亦異境也。

晦巖村一首 先府君讀
書處。

寥落窮巖注易時。祇今惟有野風吹。敲松劇藥嘗經歲。旅麥燒荒又一時。正直猶應動山鬼。閒關何以屬孤兒。惟餘禮法筋骸束。飢餓由來戒四肢。

淮南

泊宅淮南住。黃茅似瘴鄉。閉門中士妙。行野接輿狂。鳥翳瓜檐蔓。蜩涎薜壁光。村歌朝放牧。鄰火夜舂梁。偶看荒園竹。抽梢過野牆。道人在何許。規訪石爲糧。

泊陳家漩

出門二日荒江宿。卻望阜陵烟霧中。黃柳搖星水淩亂。蒼颺颯竹山冥濛。空村寂寂稀人語。漁火星星入

葦叢是處茅茨亦幽絕。縱橫村徑遠牛宮。
忽憶前年薊門道。春寒遲見草芊芊。霜欺古木風淅瀝。日落長河天橢圓。行人轉羨村童樂。勞侶還思倦枕眠。明發扁舟又南去。真成一宿覺茲川。

瓜步

泯泯蒼流峽。頻頻短棹移。去年瓜步雪。獵火佛狸祠。尙想東臬酒。王無功爲六合丞。常蓄酒。不能參北叟機。事。知隋將亂。乃投勅去。

銅井

鳴瀑淙淙出巖竇。似與仙人留珮環。日落惟餘青紫氣。落深時見鹿麇斑。蒼山松皮盡堅瘦。青壁石乳難躋攀。窮荒此地饒奇麗。便約陵陽住不還。

巨魚卅鱗供法膳。神龜徑尺獻明堂。如何背負荒山底。似欲鍊真汾水陽。官然不識天下樂。哈爾徒爲豎子場。九門四潰諸山。在其西北。相傳爲項王戰地。日汲惟須銅井水。丹顏玉液發奇光。

華林寺

華林寺前有古木。葉是柏髯身是松。空谷螻狙獻山果。晴欄風雨戰梅龍。半身佛蝕巢飢雀。萬石溪鳴夾臥鐘。橋下有唐鐘。陷入。蓋水汎。人乃能見之。爰鄭流連曾幾日。道人卻掃閣塵封。

陰陵

陰陵北有重瞳迹。苦縣西餘老子林。早歲潢池興異獸。經年大冶鑠祥金。槍幡擾攘今何在。羸項驅除事已沈。漢帝濯龍祠事格。好師甯靜繫人心。

溫泉 在江浦縣

聞說黃山多沸井。經行今覩浦山泉。陽巖赭石雲根熟。陰竇丹沙乳溜懸。那有元萇渠作記。應令白墮釀流涎。剝落坐讀康公記。前江甯布政使合河康公基田。有水利碑。一溉雲腴萬頃田。

吳山尊學士宅

詞客幽居營水北。至今小白鷺名洲。十年翠栝供藥客。九日黃花笑臙秋。合架繩橋跨城。應園竹蕪斷溪流。白雲紅日俱堪戀。先生奉母還山。榜所居曰白雲。紅日水邊樓。以志恩遇云。丙舍憐予煎百憂。

卓筆峰

遙于欄際看培塿。好向烟空起觀臺。山魃僅能容一足。牧童何止上千迴。宵潭下瞰鼃鼃窟。啄漉懸知鶴雀來。戲語家人復何似。削成怒笋裹泥堆。嘗論文筆用壳。如黃泥裹銳筆。外枯而其中生氣奮然。文之聖者也。魏默深先生云。聖于文者。其文壳。其味悶。

戲作俳體詠譙南土風

澹烟飛絮景堪摹。借此幽栖聊自娛。藤架蠶簫秋渴喫。淮南俗諺。蜜以爲蜂餵。爲楊行密嫌名也。橙林鷄菹午頻呼。土人呼雞伏卵曰菹。舒鳧戶炙頻相餽。市中挂露鴨。極肥美。浮蟻家羹不用沽。元豐酒作法。始始于宋人。芳辣可飲。偶應鄰翁招社飲。村童爭出看潛夫。

敝廬道興

淨名居士裁方丈。草芊揚生無十金。風雨橫斜看入戶。茅簷掩映亦成林。松肪戊夜燃虛白。葭吹清秋倚醉吟。坐失山花山鳥意。桐江歸思一何深。

爲人題畫竹

高牙捎影萬夫回。自是東南箭筈材。誰識春山幽磳戶。靚無人處鑱莓苔。師汝龍鍾老禿翁。籀翻風雨便成龍。千尋鐵索迴繩渡。力挽強流入笮中。富春山中竹引泉。枯雅銜尾蛻蛇聯。沈竿下有珊瑚樹。無數游魚吹碧涎。赤日橫空翠欲流。青金瓊碎落平疇。便爲清廟龍文簠。恥作人閒千戶侯。

題女史李珣雜花卉

不受瘴鄉風露欺。自然富貴出天姿。坡句四花雨作華鬋髻。客慧刪除足自持。牡丹是誰招此斷腸魂。山谷句玉礫金沙二寸根。翳水鍊雲無定相。不知瑤島有黃昏。水仙山頭化石此花身。和雨和烟翠欲曠。幾度欲迴銀燭照。可憐潭沱不成春。秋海棠誰遣來從西海頭。也隨苜蓿蔓神州。饒他爛漫羊城裏。不入離騷楚客餽。洋菊

陽湖吳節母詩

古有成風惠。締造出艱棘。安危真可仗。水火何能賊。今知吳母賢。駟車歷南北。潛明潁川難。詎畏井陘塞。恆代多烈風。危巢摧錦翼。神號蒼水使。欲渡衝波息。當其克濟時。甯假河宗力。哺來孤鳳皇。擇蔭蘭陵國。

彤筦兼授經。元枕旋効職。扶筐實相予。篝火程漏刻。青青澤中蒲。孰之堅且直。般般騶牙文。仁心以爲則。兒著潛夫論。還爲外家飾。我書奇女節。持祛世儒惑。吳府君爲代州崞令。有惠政。卒官。節母滑縣人。故側室也。生子唐林。甫辟而孤。寡不能歸。乃劍遺孤。扶柩數千里。計。脫離已未庚申之難。

吳君靈朔氣。西下青空桐。戊辰始識君。抗心高秋嵩。小語出肝腑。孤熊見深叢。陽冰結辛海。零火鑽積楓。頗爲無言契。乃離文字宗。懸知慈母教。曠旭曙童蒙。願君慎守之。蓄惠饒天工。退爲深深息。進有冥冥功。乃不負所生。溫訓資礪礪。感我寒泉思。孤根植鉅壺。登堂期後日。崢汎春醪融。

積儲歌

作息有程。經物有簿。點檢寸絲及半黍。奴舂一石。婢織一丈。首功上能賤賢良。水毀金穰。木饑火旱隄蟻穿。石龜斷。

蔣節索贈

閩海此材難可數。驂駟蹴踢出風塵。宵爲鬱怒千言賦。朝燕離攏一束薪。憶昨飛鴻鵠碧渚。如今翡翠下青蘋。命儔歎侶頻游戲。咀嚼兼葭未厭貧。

簡桑根師

強飯廉翁思趙將。多情白傅戀杭州。桃花劍底征裘雪。楊柳枝頭舞扇秋。貽宕清歌憐子夜。便娟幽夢託西洲。聞道中朝將拱璧。羅衣未許久淹留。

題藏書目後

益人神智仗何物。心不離書神不索。伴我扁舟吳越行。漠漠江雲信寥廓。倦客長懷十九泉。鬻茶燒笋自年年。洞天花發盡歸去。卻掃焚香便得仙。

游平山堂二首

同莊中白、楊石卿、李賓
曙、高叔遲、諸君作。

城市思山林。欲伐煩惱樹。山人履城市。思觀衆生度。君參清淨因。勿以形迹住。勿囑蜀岡小。亦有西來泉。泉涌珠千眼。無住皆成圓。下有饒蛟窟。莫漫投芳荃。

又題

尋奇不在遠。悅心貴是閒。招邀二三子。盤胸孕名山。意構夙有得。俗緣近多刪。勝書第五泉。云通蜀源潺。將母孔雀口。汨流出塵寰。榮觀拔地起。人工爲之殫。排空碧瓦鑿。高下依煙鬟。俗媚木居士。只如山石頑。危欄晚徙倚。一吸遙山顏。

語賦衆舌播。音賦衆耳寒。自聞鐘魚鳴。不若鐘魚嘿。微言豁羣疑。獨見祛臆惑。心不受衆塵。況在水精域。道勝障自消。世機何待測。橋皆宛轉成。樹有瓊瓏色。雲拖一絲藍。松苗千鍼直。古人情不朽。因緣文字力。誰抱綿綿志。萬花納一息。吾將銘懸厓。至靜頌山惠。

吳門舟次七夕朱六司馬

之榛

招集牙齋作。

靈星盪瑤夕。風篠媚高齋。秋空洗氛豁。層軒敞幽懷。賢侯金閨彥。浮響斥鄭哇。暫羈塵下秩。飄舉睇天階。

微馨流曲荷。涼翠韻疏槐。不速皆佳侶。祖席難安排。松醪醇且勁。稟氣何所諧。時俗漫拘繫。娛遊嗤形骸。蘭筋絕塵塲。十舍絆龍媒。

過客如疲衲。津梁無位真。日中一麻麥。亦復忻然至。浮世纔異情。沈心鑑孤智。獨有耆奇人。翩然屏車騎。經過非密轡。雅故懽卽事。林樹敞離筵。沆寥如野寺。微微空籟發。結習助文字。藤敲落架風。薜駁嵌廳記。明發出西門。解纜流潮駛。迴看支硎山。霞縹蓄相思。

上元宗公 源瀚 自吾郡移守嘉興。率爾奉簡。

得州如斗大。是豈不可治。賢將理荒蕪。蘭秀爬梳之。此州得公喜。吾州去公悲。願持徑寸珠。徧爇殊方蕪。願鉞一囊粟。徧療鄰州飢。我公下瀧江。水激石齒齒。篙石如相語。使君仁且智。笋抽二尺強。魚長三寸美。豈知不槎枿。仁獸感來止。獨有南蜚鴻。集桷今日始。

游煙雨樓三首

清秋澹炎歊。空翠落牖戶。落日銜湖潯。濛濛翳復吐。娟娟修竹淨。翻翻縞鷺舞。洞扉森似闢。高柳紛成聚。始濟若先迷。幽探期博取。田田菱芡熟。房殼淦可數。湛心不退轉。夙約戀藥圃。危亭斷四際。獨行無今古。打槳獵菰蒲。何當遇風雨。曇空出天籟。圓靈納虛鏡。動搖青頗黎。一水含一性。定心知尙淺。慈力在積行。欲渡無浮槎。洪濤獨垢病。

麗山起孤嶽，伽藍頗嚴盛。積水倚芳洲，豐茸雜花映。誰能移絕壁，樓觀千尺勁。晏坐常超然，一洗世語穽。迴船指彼岸，中流看斗枋。何處銅龍鳴，一鳴鸞俗正。

誓墓不作詩，作亦不復奇。美人弄秋櫓，坐忘言語機。隄如翠蛟蟠，空水溼清暉。時平不瀾汙，流波濺人衣。濺衣君莫惜，金堂願未違。秋楊若羅帶，秋花擷珠璣。持許貢銀闕，脈脈徒因依。

丁松生徵君，撫其先塋於餘杭山中，命工續丙舍爲風木庵圖，屬予說其名誼如此。

木氣下爲雨，土氣上爲風。木靜有仁性，風厲無常轡。二者各自異，震巽非一宮。如何相糾錯，桂之樹龍從。子壯親不存，遐慕等穉蒙。譬葉辭其根，摧撼不可窮。危柯化爲石，迅商薄秋穹。松菌無留年，蚊目質豈同。哀流斷續竹，神泣生死桐。大哉皋魚嘆，風伯行汝訟。

古之仁孝人，習醫求服餌。漆葉青黏樹，貢之庭階瑞。

後漢華元化傳：有漆葉青黏散，服之令人久活。說爾正家，以爲黏乃黏之俗文，卽今杉也。徐鉉作櫛，然杉木所在有之。

非服食之品，未必藥也。

如何風中燭，炎翠成蕉萃。誓欲往從之，又恐違親意。何以續親壽，惟餘志親志。義心如初

芽，牛羊勿爲累。利心如浮塵，驅去勿使礙。是卽愚公谷，子復有孫繼。同形以順化，密心良獨異。感君作圖心，逝矣志與事。靜林有安柯，礫礪別利器。庶以詒子孫，薪火燼世次。

壽石門校官高丈 學治 六十初度

今人豈尙同，古人非好異。異不達于物，同胡喪諸己。一日適有今，三十須臾耳。積日成年壽，如尺從黍起。於人中求古塵角亦稀矣，在古人眎今，名實不藉史。特有靈臺寸，不受電光駛。因茲慄然惡，得失不可詭。

無寒暑雨風。如銅之謂士。茲言丈當之。進惠不可止。
漢十四博士。縹緲寫官書。逸經慎口授。名理議石渠。弟子員所師。校官此權輿。毋探了義筌。粉碎刮空虛。
毋儕發冢儒。辛苦困蟲魚。立之閔市乎。不受異說嘘。匯爲義之海。無潢潦枝渠。天葩發孤秀。仙珮鏘瓊琚。
名惠此經師。棘子力自餘。漢京徵博士。八十待安車。

題家書後

只今賃屋南梁住。玳瑁書籤薜荔堂。何日攜家西浙去。樓欄拂子芰荷囊。閒繙朱子參同注。互校黃門急就章。好學無過君靜默。談元須索我評量。代澆悶緒新籌酒。替解窮愁猝辦糧。視晷已趕程日力。居心早淨愛天光。剡藤爲縛黃鸝架。楚簞看移紫竹牀。平世全身如苦李。清時獻賦入長楊。住應合住支離德。歸便同歸智慧航。

游靈隱寺二首 井敘

繕性家言。至人之心。珠藏淵。凡夫之心。泡現水。泥洹子云。能仁之性。正徧知。衆生之性。想顛倒。二言通貫。根極道妙。心有實智。權智。性無內見。外見。消息三蘤。鈴鍵八漸。使王侯與螻蟻共窟。松喬將蜉蝣齊年。前轉運使錫山秦公。饌設伊蒲。游探闍闍。招勃窣泓峰之侶。作紆迴汗漫之游。問龍乞水。洗眼崩濤窟中。倚松得朋。插脚亂石堆裏。蒼蘚滑澣。笑題名之漣漫。丹經斷爛。識彼藏之空虛。從知水火四輪。見空七大。動靈蛇于井底。陰壑潛吹。留異鼠于枝頭。陽厓歛滅。皆無常住之緣。孰是有爲之

法獨有瑤鳴孤磬。心地一空。晶鏡懸潭。性海千尺。鐙含諸相。鐙鐙燦無盡之緣。門開三妙。門門演不二之誼。仰窺蘊諦。略綴枝言。伏塵勝流。冀禽佳貺。林表珍翮。如助頻伽之音。洞中寒玉。若聆梵唄之唱。聊命篇曰。何處見心性云爾。

何處見心性。靈山是我山。松鳴虎跡裏。藤刺鶻巢間。樹與石俱化。樵將雲共還。洞天人散盡。巖罅叩元關。何處見心性。冷泉是我泉。洩通雷轟海。景倒蔚藍天。龍袞空王寶。誰調古德絃。佛光深夜見。我欲枕泉眠。

卻寄里中諸子短述

笑予行役勞勞久。赤腳還須徧九州。縱然學得屠龍技。猿鶴山中見也羞。

喜高仲瀛秋捷

戲攝須彌歸芥子。解于漆桶於光明。地輪縮入徑寸紙。玉直能連三十城。與俗參差姑守拙。問民疾苦未能平。官家要得嚴徐用。公輩何堪逃世榮。

題張子虞同年負書圖後

張子文壘建幢旛。顛枕東壁牀天根。誦書提要鉤其辛。家學嚴鷄窮根源。陽九之際丁世屯。仙翮哀吟謝籬樊。鏘鏘鷄鵠大招魂。苦詞楚些紛濁煩。有如出膏以自燭。乾蔭中彫負餘暄。鑿檻萬軸今幾存。江式五世袞遺編。手龜足重不敢論。後來家法儒其門。西薄高春東妍暎。鷄次之典圖靈坤。應有龍威護疲奔。手澤勤披滌淚痕。毋借及鬻告雲孫。

懷十一從弟鉉下稜羅定切田舍。

耦耕良足樂。學道不爲貧。相期桐山下。沮溺憩通津。四民農最貴。惰士何足云。卽此報君父。長爲租賦民。與國充耘耔。此意愚且醇。勿宥田中蒿。去使良苗新。勿荒田外墜。種豆散鷄豚。有犢毋使飢。有傭毋使噉。芸看露穗挂。稻花香微聞。穫看碌碡臥。溪水聒前村。有時手一編。慨然懷古人。行當遣畫師。貌我與汝眞。耕山漁綠水。蓑笠煙江濤。毋爲棄年力。閑語送日曛。老農辨菽麥。沒耐先嗇神。相與敦所務。勿忘祖德勤。

五君憶

從他佛說四天下。信有騶談九大州。

佛說四天下。騶談九大州。戴集中句也。

一介戴生容不得。眞成天壤作詩囚。德清生員戴君望。

七歲拜公牀下立。屢枉精廬賜新什。

富春詩老無復人。賸有山靈貽石笈。

副貢生同里江文舉。吳公廷棟。六安。

禹迹荒陲不可航。公能沿討杙微茫。

定林問道祛迷誤。雪竹霜筠擁講堂。

少秋官。六安。吳公廷棟。六安。

公爲祭酒官書局。載記蒙曾預寫官。

老眼下籤刊落葉。德人電逝爲襟彈。

文紹基。嘉道中人君嗣作。遺聞時入君腰。廕藏萬卷多異本。一一爬梳朱墨著。

事人獨山莫。丈夫芝。

漸西村人初集

詩六

戲作俳句 甲戌

人人不識揚州樂。我道揚州樂事真。蟻麪汁和甜笋美。鹿車痕碾輦沙勻。彌陀巷裏尋高士。夾翦橋西覓李賓。晚向東園門外過。小桃放了亦風神。

古意四首

幾日蘼蕪生夾道。又看稚柳拂金隄。槎淩碧海迴風阻。路隔紅橋對雪迷。駿馬絕塵空換妾。干將薦屨半爲泥。欲探蔥嶺河源勝。芒屨冥冥獨向西。

宮裏長眉樣不同。城中新髻頗難工。悔操薄技睇恩澤。亦有精誠獻法宮。何處珠簾巢翡翠。羨他玉殿樹青蔥。感深二鳥重爲賦。薦進殊光未許通。

閑填絳樹聲聲慢。故折青棠裊裊絲。瑟抱三年知術拙。素成五丈恨工遲。碧牕乍暝聞烟語。玉宇微寒觸曙思。飄警武夷張樂地。幔亭有路到今疑。

微聞閣道開營室。傳語緡錢權水衡。定法周宣銘甲鼓。久應夏啓卜庚橫。木妖豈待劉生諫。絲壁何煩魯殿更。別有精思公王帶。合宮圖欲獻承明。

送施均父落第後之肅州從軍

遠樹相迎意黯然。輕裝短製別華筵。欲探鳥鼠同巢野。定訪崆峒問道山。祿利何堪受鴟嚇。高才莫漫遺魚荃。渥中戰伐含飛動。幕下陳琳正待賢。河西自古雄文物。漆簡東京出杜林。殊俗卽看勢面化。經生要蓄濟時心。徙戎江統曾閱議。對策劉蕡豈陸沈。好去晉公持節地。朝正重入五雲深。

毗耶

毗耶城人家屢空。申儒詰墨言龐鴻。頗於舊解出新意。自信人阨非天窮。雨榭沈沈豆子熟。風寮漠漠苔花紅。安得摘星陀絕頂。金仙坐約兩茅龍。

王子裳芙蓉秋水圖

仙人襦淺絳。一墮烟江潯。下尋寒篠盡。忽霽窮秋露。亦有南華意。持寫妙明心。平泉園裏樹。歲晚不可尋。娟娟隔秋水。疊疊抱孤深。

效涪翁體

摧眉結喉緣俗客。明目張膽仗奇書。何用行媒先鳩鳥。相教浪出慎魴魚。虛堂靜得碧山趣。古石閒支丹鼎爐。自有張皇幽渺事。塊然天地入蘊廬。

簡仲修

化書譚子綠玉佩。自是謫仙人絕塵。羸壤張繪氣爲縹。冰天叩角絃復春。句無凡語能驚俗。筆有千秋信入神。寺裏雙松同偃蹇。近來佳句掇皮真。

寄家兄

遙知溪上路。苔翳經行迹。倚檻聽風湍。開樽澹將夕。歸樵出雲杪。細徑穿竹柏。涼月升東崦。照我蔬筍席。稍聞漁者歌。洒然盪營魄。野火滅還明。潮生沒孤石。誰同一瓢酒。形檢忘主客。京洛夕相望。羈心鬱如積。余爲外事累。兄耕原上田。晴窗對道帙。時檢白雲篇。媿我衣塵漬。蕉萃難爲妍。心馳富春路。祇見陌頭煙。喧寂豈殊致。勞生使之然。蘿暝隱晨嘯。竹深聞夜泉。那知少日樂。撫事坐推遷。

追和江退谷丈二首

拔地一千尺。增厓秋氣高。老松長鱗甲。崩石動波濤。雲入蒼江腹。苔衣野碓尻。退翁此栖息。滅景逐盧敖。
獨山 元詩云。細雨溼如霧。白雲低在溪。山高絕飛鳥。村遠尙聞雞。不登是山者。不知其語之妙也。

一屋如方野。炊烟三兩家。檢書搜竹籬。穿露落松花。婦汲新修筒。兒煎早焙茶。秋來村釀熟。乞蟹釣師車。
村居

石屋隴。一名曾公嶺。去吾縣一牛鳴地耳。頗有稻畦竹塢之勝。先伯父雪蕉先生。卜居於此。竹上時有小詩及題名。亂後漶滅矣。追憶成詠。

山人耽糟邱。寢療謝人事。時攜樵客遊。或簡緇流至。溪南結茅社。春日笋迸地。偶來磐石上。釣竿聊一試。

山寒魚亦瘦。不復近香餌。閑將金錯刀。竹膚題綠字。日暮簪簪空。歸來飯烏髻。客來造牀下。剖析多古義。末代少眞風。孤蹤猶鳳吹。至今竹書痕。猶貽後人思。茗柯有眞理。飛沈恣遊戲。

贈高仲瀛朱鼎父

高子著古籍。樸野忘榮利。精揮海島經。義析曲臺記。山雲無定姿。或臥松下寺。有時洮西懷。結客指畫地。朱子訥言語。不脛自超塵。粲然南郊賦。博喻西都賓。藏室似淪跡。玉杯且華身。古之善爲士。安知非采眞。

和胡景會

昨客淮南今薊北。逢君園徑穆槐花。一流垂盡才無賴。十上空勞遇尙賒。河朔樽徒連雨飲。漁陽鼓已落。颿揭何方借得新巢住。且入長楊聽曙雅。時予得中正榜。仍報罷以贊爲閑錄。

君歌白雪詞空費。我媿黃金賦不成。北地看花如中酒。南來頌橘未淪榮。電開玉女顏微笑。露折銅仙掌一莖。會是凌飈生健翮。未妨淨退隱王城。

寄和王子穎丈

相逢東海曲。曾見幾紅桑。辛苦遲歸屐。輸君臥石牀。桐霧連十畝。實字記引書畫傳云。桐溪側有大椅桐樹。垂條蓋蔭數畝。遠望如廬。遂謂爲桐廬縣也。竹閣注三蒼。窈眇移情處。山中未肯忘。

閑夜

宮槐無風雅自響。飛入長楊三兩聲。千門尙未傳魚鑰。官燭燒殘月露盈。

和李愛伯臺郎移居

槐樹斜街朱老宅。藤花古屋阮翁居。主盟結社今誰屬。刺齒持梁總不如。檐竹好移金玊碎。研池更挈玉蟾蜍。莫嫌郎署浮沈久。會起通儒議石渠。
先生讀易注騷處。越國才應抗蜀才。室有奇書排錦繡。門無雜客繡蒼苔。草芊不待丹吾穀。枕麴何妨聖汝臺。幾日掉頭柯水去。誅茅歸傍小蓬萊。

簡陳戶部喬森

惡色俗所眎。惡聲衆所聞。文章亂黷紫。古術荒鉏耨。陳君塞兩目。睨若馬勃熏。下走塞兩耳。朱儒喧吹唇。年格限賢達。暖姝棄艱辛。但祝諸年少。梁折代以薪。不見舊耆宿。錄嶽搜峨岷。一日連一夕。一昏復一晨。蹇驪被錦韉。駢嘶絡頭新。綠耳困芻豆。將遁南山濱。曾參云殺人。世議不復伸。汲直困刀筆。賤者不復珍。何當盡屏去。獨與浮雲親。

庭前花

庭前有奇花。徑寸發深秀。紅翠相搪撐。馨烈久彌茂。爲芟惡草盡。釀酒飲而壽。

反游仙詩

紛紛方士堪擲斥。行藥長安市未還。精思自彈空石裏。眞游偶憩綠蘿間。鹿盧蹠御輕千里。龍伯人來芥五山。喚取劉侯詩石鼎。逕須高髻折羣訕。

竟陵

甲戌七月晦日

竟陵玉節擁朱輿。涉歷艱難委佩餘。西邸誰陳因果論。東平難乞短長書。幅巾倘幸傳歸第。華屋何人爲曳裾。割肉汙貂終得釋。風雷掬爪事何如。

答台州王子裳同年

腦脂遮眼王同歲。

葉字莊

羸葬遺形蔡仲吹。

仲吹名篋皆台人

晚出輪囷千尺幹。相邀被服六銖衣。任人逐臭餐

熬腐。與子凜和飲太微。欲叩金華宋道士。

潛溪先生雪爲天台山道士

方吳黃柳有遺徽。

謂韶甫淵穎文獻道傳諸老先

送陶子綰歸越

森沈石簣倚金支。翠楯陰中讀楚辭。舊注好纂鴻烈解。穹碑爲訪禹陵祠。枝言何用夸三耳。飛遁終期法九師。壓擔奇書燕市去。參差笑謝市中兒。何時同約泛蘭艤。便泝南江入漸江。生事待營三畝宅。卜居空夢兩山瀧。子能任運希龍蠖。我媿娛文廢擊撞。迴首北平多古意。旅愁如海未能降。

送人游蜀

一年同飲桑乾水。何日重浮桑落樽。此去疲驢劍門道。丹楓夾路聽號猿。雪晴瓦屋千重見。霜漲蘆溝幾尺渾。莫厭清貧橘官務。山深俗樸道彌尊。

涵秋閣詩

爲屬居士作

靈境含衆妙。意林憑象構。況聞吾子賢。端居類巖岫。回回凌颯空。械械翳永晝。飛檻納浮陰。暗泉挹丹溜。疑非王城栖。風物濯穎秀。下尋叢荻盡。忽拓遙岑覩。兀然坐忘客。萬有俱色授。講解吾友于。瓦罇偶相就。大地連一舟。彌縫無罅漏。卽此明遠心。何殊食氣壽。

南城有佳處。潢水深幾曲。乍斷游人至。何殊鄭君谷。烟中人語靜。微霜漬松竹。時待劉龔來。三徑放遠目。朝聽東林梵。暝還西齋宿。猶憐江上居。荒池蔓寒菊。我亦離鄉客。社燕思舊屋。相期脫世議。澹與返初服。歲寒非峻節。純懿天所福。

校獵行

十三年秋。駐蹕南苑。行秋獵禮。恭賦。

西山國之望。瀑水貫縱橫。神臬信天府。藪澤何岔盈。池籐割三垂。滲漉假貧毗。維南有靈囿。綠岸規蓬瀛。舊爲飛放泊。七萃閒牧耕。臺瞻晾鷹古。館榜射熊名。製無游觀飾。卉敷陸落榮。

乘輿舉獮禮。尉候張罝紘。秋稼方如雲。省斂恤疲惻。木蘭規國俗。天弧厲金行。列校煥羣雅。雲罕勳雷聲。周行夷草棘。輦路麟杜蘅。六蚪弭容與。戎容肅。

天情。朱旗扳桐絳。珣弓扶桑弮。羽不及避嫌。角不及觸損。草樹紛仆藉。電掃阡谷輕。皇心匪巡游。車攻邁周京。燁武震月曙。威稜響龍庭。黃支與烏弋。咸使奉朔正。方物貢重譯。天戈澹災萌。上備乾豆薦。下戒大庖盈。迴蹕返澹泊。獠鮮佐禋飭。滌煩治道園。游思六莪精。宣室攬耆俊。講筵湛神明。土事罷瑀飾。木功輟經營。恭儉爲囿藪。仁義資衝轡。陋彼扶風獵。願刊郊陽銘。

西齋

狹似毗耶成道室。陋於山谷死心寮。無端又捨西齋去。借得新禪且避囂。劉伶以室爲禪。

夜集同芝浦閣校松岑孝廉華杉編修作

如李清歌一再行。淡烟和月翳還明。座中東馬才無匹。曲裏西烏感易生。燭灺柝枝顛罷試。酒餘藤子帖供評。窮愁獨有江南客。倦聽閒情吹玉笙。

感舊絕句

塔圯庵荒僧已非。兒時侍立贍苔磯。近山已赭全無樹。猶夢穿騰負笈歸。師谷庵住持老僧名高洪。

漫漫溪流雲一谷。先公讀易拓松窻。夜歸猶記長干寺。月上驚衝野鶴雙。晦村清溪

嚴情最愛濯清溪。秋稷臨流聽竹鷄。卻憶天寒採松子。忽看蒼鼠墮荒蹊。東臨清溪

曾隨杖履傍溪行。隔墅清幽只一楹。石欄虎迹尋常見。厓上丹楓時倒生。九里洲

先公閉戶耆清修。洲近梅花不一游。聞說唐梅今尙在。臥開斑蘚綴青虬。桐君厓

每逢九日幾回登。諸父提攜授簡能。城郭人民俱浩劫。歸然惟有塔層層。崇聖祠古梅

禮殿積敝只臥梅。曾攜瓢酒匝千回。雪晴枕石書曾把。不戒樵薪今已摧。焦山

壁浪分風得此山。苾芻散住碧厓閒。避風到此風轉定。始信白業難躋攀。銅井

茲山天下稱窮處。亦有風雷蕩涵音。游屐無人能到此。綠蘿巖下一披襟。

華嚴妙諦無凡聖。

劉司業句

散作髯翁聚族居。諸相輪囷無一似。晚來濤吹和鐘魚。

靈隱寺門松

江行曲折千灘轉。直到門前勢少徐。北受紫溪春水闊。釣師新網得鱖魚。

漸江水

溪潭二月雪消盡。夾岸山花紅欲然。天目於潛裁百里。未探幽勝惜迴船。

紫溪

灘聲忽高厓。濺雨江行盡。日稀村鵝。清泉一道兩山間。石上松花覆鍾乳。

十九泉

昨逢溪叟。劇名山八十疑。年似壯顏雪裏黃。精花轉盛藥苗分。得一叢還。

白雲溪

溪烟裊裊出深籬。爲憶山中茶熟時。且喜山深無市樵。風甌泉味試春旗。

新茶

北人未見竹成園。誰識笋生車軸肥。鄉味春盤少顏色。渴思解取籜龍衣。

苦笋

華亭呂泗今少種。滌上緯蕭偶得之。不須飛鳴已奇特。啄腥恥逐鳬翁嬉。

餘水舟人所畜鵝雛

眞州無樹可藏鴉。旅泊秋深倚白沙。清夜推篷獨吟望。半江寒月浸蘆花。

白沙鎮

獨行瓜步山前路。村酒嫌甜飯夾沙。忽見佳人嬰拾翠。橫波一隊氣如霞。

瓜步荷花

竹爐茶銚此幽栖。時有園丁餉樹鷄。聞說鐙船鵝幽勝。不曾遊興試青鞵。

北謙

虛閣無風松自鳴。吾師田水妙聽聲。元家故物惟存譜。不省區中虧與成。

家舊畜一琴。歎云。琴泉漱石。今久失之。

仲長公理

何曾樂志酬初願。未有昌言上帝聞。背郭臨溪多竹樹。欲依公住結成村。

高文公伯恭

樸忠日待虎如瀾。惋頌同徵歲月過。九十霸朝諮掌故。真從物外得天游。

韋左司

郡齋陽榭朝鉅藥。石室陰厓夜汲泉。迹順人閒亦仙去。晚知際斷去來緣。

徐仲車先生

徐州孝子不履石。智周萬物何所思。憤然莫笑老聾叟。奇絕先生月蝕詩。

讀陽明先生傳習錄

塊然生死龍場謫。忽有雄深大辨才。浮屠人人百年內。幾尋本性出寒灰。

孫徵君

少日舉幡楊左獄。晚年樵汲蘇門山。靜修一集資傳播。卻望鄉園阻北還。

姚惜抱先生

抽身早辦謝朝簪。膏養微明得智林。收取閑身老文字。教人宗派獨孤尋。

先生論文。嘗以唐獨孤及。宋穆修自例。

對雪

飄瞥無聲乍揜扉。清光入夜透書幃。臥思瀧尾江船火。獨速知錢人夜歸。

答龍松岑

桂林山水天下奇。何久宿留金門爲。同困公車與待詔。莫漫寒女愁纈絲。明珠遺我逾百字。浮白及子傾

千卮石室終應著書隱。長安令僕如枯槁。

贈潘孺初

瓊州文昌人。隱於金曹吏。

海南仙人戴籜巾。千年奇木薜皮鞞。偶然覓句五字穩。能使迴枯萬物春。餘不沈公方黑蝶。羅浮屈子跨黃麟。

竹垞贈風翳山詩云。若非手持綠玉杖。不然定跨黃麒麟。

疏星夜見匏瓜朗。宰相何爲失此人。

春游戲效松岑體

乙亥

青陽夜鞞玉花驄。瑯山縛井潛迴薄。似憐羈客少解顏。故遣衝烟吐紅萼。王孫不惜錦障泥。游女隨攜銀鑿落。簫心劍氣有底狂。鈿車錯轂道生光。春愁被花惱不徹。化作春星依苑牆。

題朝鮮使臣金奭準指頭書

嚴家餓隸濡一指。烟霧霏霏結成字。淋漓醉墨生氣出。斥棄中山管城子。古云吹竹不如肉。漸近自然君復爾。顛張漬頂猶未知。指馬微言寄于此。行人來自元菟東。扶桑花開少海紅。奇文解讀吾妻鏡。國表夜奏明光宮。草勢翩翩解衣礪。疑從畫革左書作。東門祖帳送將歸。遠指繁聲白翎雀。滄涼海國變桑田。賈胡西來挾戈船。蒼社勿忘盟府策。赤符欣戴會同年。於乎駒支犄角兮。歸固爾圉。張我右臂兮。吾將銘南極之銅以爲柱。鞭西溟之石而走淵。飛書遠責白環貢。遲爾銅駝陌上韉。

題松岑詩集

我讀槐廬千首詩。龍伯丈人有奇氣。悄然坐我西山下。芝菌松花常苗地。太行西上脊逶迤。渾河東注黃

琉璃驚蟬淺草去不息。離鳥羽短無安枝。百年尺捶已取半。三賦明光良失時。匭函上書欲自達。露索又畏蕭生持。閉關獨謠玉桂國。刻瑀衆形資爲詩。

西域蒲桃久移植。南溟之珠流汎極。北辰初正肅朝儀。鼎湖已緬思帝力。國論方求博望才。方言誰佐揚雲職。書生袖手何所施。表餌空言羞對臆。縈青繚白灑江樹。知舊書招未歸翼。期君橘柚出南州。終貢金庭自瑀飾。

四月二十七日書痛

又直慈親懸輓日。辜人未死十三年。篋衣無復手中綫。初服終耕原上田。臂憶搯時樵欲返。乳驚汁出瓦仍全。地藏擬伐經幢石。孤露心依白業禪。地藏經者。釋迦弟子地藏女。爲佛母迦維衛國王夫人所說。以人名經。先母喜持齋。常誦金剛經。不孝擬刊石幢。以藏先志。

問龍乞水

徑山卻似乖龍耳。中有南宗一勺泉。歸汲新泉供洗眼。方瞳試叩地行仙。

驅虎負樵

郭文石室在何許。不憶無情非漫語。使虎負薪傳者妄。欲尋舊隱迷處所。

夷亶

夷亶之間一小洲。百篇書在避秦搜。無端改服從胡俗。竹帛輕燔海國愁。

雜詩

蝦蟆有知解。缺整繁一族。跳身挖青綬。瞋怒輕丹轂。覬官爲給廩。鼠壤有腐粟。雖不讀春秋。已勝淄原牧。紅蠶緣枯桑。輸汝得章服。活東能作技。遜汝善緣蹴。瓜牛頗廉介。見之角羞縮。強聒自謂工。蚊鳴輒見逐。奇醜變靡顏。混沌私自祝。我讀卞生賦。謂材堪令僕。

方春搏黍出。旣秋精列鳴。四序不爲物。物感氣而生。寒暑運自然。勿與榮落爭。至人榮期翁。顏色老復丁。奉藥一玉杵。冷然御風輕。鹿裘何足恤。帶索聊徐行。不知有得喪。亦復無衰榮。智爲怨之媒。愚又辱之鄰。適俗乖夙好。學古遭長貧。崎嶇蟻壘中。乃苦形役神。不若俱寘之。虛緣而葆真。不與物爲疏。亦不與爲親。傳法與久竹。吾師化爲人。都養足自給。何憂甑生塵。

寓館有女蘿叢生。上蔓檐際。豐茸可愛。聊以遣興。

裊裊女蘿生。離離拂簷上。陋室本寒窘。綠緝媚虛幌。烟暝與霞朝。頗類山居要。宿羽穿還去。輕塵棲復消。昨夜風雨至。吹燈清夢異。有人被薜荔。赤豹從遊戲。秋意忽然深。閒階石髮侵。物微有相感。寫入楚詞心。

放歌

淮陰失志下屠狗。跋蹇乃待文王興。一朝官家賜顏色。寫忱解帶猶龍騰。上書讀輒乙其處。施行略中利與癥。遂令民物少疵癘。登進衆直收風稜。公孫脫粟徒爲爾。蔡澤齧肥吾不能。功成辭賞拂衣去。敕賜剡溪溪上陸。輕舟廚傳左顧辦。荷花千頃青霞蒸。淩肥芡熟淨可剝。酒船容與傾如漚。瑯鐫小詩出應閒。鄴下風骨羅徐應。書局自隨賓從美。中興鏤壁文字稱。登山穿林屐齒折。偶尋林下支公僧。合丹服食頗有

驗。急逢龍背騎。且憑八十鈔書字。如髮殺青傳。本枯溪藤。丈夫快意有如此。何止射虎吳亭會。胡爲局促浪自喜。縛于世法如韝鷹。

乙亥重九日詩

有叙

重九登高。不知何始。九者究也。久也。究其終始。拯陽道之剝。依于長久。觀攝生之指。且是月也。律中無射。射含逸義。九爲陽變。勤生無逸。以資凝命。積微戒著。以歸崇惠。不亦善乎。魏文與鍾元常書云。日月並應。俗嘉其名。陶公詩亦云。世短意常多。斯人樂久生。日月依辰至。舉俗愛其名。非其義邪。又以爲其風起于荆楚。盛于西京。屈大夫恐老在冉其將及。餐秋菊而製稔。復稱檄又充其佩幃。檄本艸一名茱萸。西京雜記。謂佩茱萸。使人長壽是也。然則沿荆楚而製俗。及漢魏而彌繁。攝艸木之芳馨。戒支體之墮逸。舍此安歸乎。僕擬騷無才。登高怯賦。迹滯拘攣。性耽辛寂。感茲佳節。聊述短章云爾。

齋心觀羣動。況乃逢令節。霜菊榮前除。庭柏有奇實。採之殿衆芳。開樽自怡悅。仰觀南山稜。俯汲寒潭冽。物候互遷斥。道心無斷絕。獨鳥下龍沙。涼颿息風穴。高空無纖雲。霽利氣融徹。誰知市隱者。荆扉晝長閉。繕性刊浮榮。息陰安劣轍。久厭喧俗居。裘裏林泉迹。西郊烟霧淨。獨往離言說。

止潛比部。招同尊老。牧莊伯馴。鼎父子因。宴集徧游城外。白雲觀。天甯寺諸勝。抵暮乃歸。走筆爲詩。呈諸公。

會稽先生。臚且古。拄腹森森九經庫。牧莊居士天機全。可與鞭鐙相迴旋。寮中主客皆清絕。各抱逸情藥
蹇劣。眞游物外有遯廬。把臂穿林眼花顛。行炙三巡上馬去。尋幽選勝城西路。銅駝十寺九喧俗。塵境掉
頭良不顧。西山偃蹇待高人。遙指蒼蒼竹林處。山容如妝山骨瘦。障日銜霞亂無數。救葉驚雅絕頂盤。擘
空元鶴橫梢度。杜治開處淨烟霧。白雲昨宿檐前樹。蒼官青士護館壇。寓龍木駟左右攢。六丁鬼鬼五將
列。意佐禱禱鉏神姦。濯龍宮中留道訣。出關漫索竹根丹。未須住世一千劫。且欲膾切三彭肝。長春西遊
越繩度。鏡門石峽騷飛鸞。眞觀鬱茂動人主。遺像肅穆崇黃冠。登樓笑語憑危欄。浩蕩欲倚青冥端。牛羊
草低綠幕地。夕陽倒射山盤盤。東愁西氣一朝洗。乞取海棠花堪餐。林迴徑轉黃葉寺。飛塔頑仙恣遊戲。
剝苔先讀古鐘銘。埽蕚冥搜隋利記。古往今來石敲火。游勝卽此消礫硯。忘予形相據槁梧。惜子英才如
勁筴。且依巍闕侶耕桑。更拓閒廬種瓜蔬。街鼓琴琴暮傳鑰。歸來塾室忘機坐。投林野鶴亦栖栖。山果捎
檐霜落顚。

拙訥翁

嗜書古有蠢樸子。晚起今餘拙訥翁。百日臨池螭蚓壁。一年學仕縮蝸宮。問丹經逐鹿皮叟。耽醅芹如羊
鼻公。據梧心與竹石化。爲問耳根聾不聾。

金溪陽明乃孔門之琴張曾皙牧皮也拈筆短述

狂士匈襟自磊然。擗枝野鹿夢黃軒。都將鹿洞天泉客。拉入沂陽諷饋天。

形將

形將影語陶元亮。身答心云白樂天。證入苦空都忘卻。東山法裏一逃禪。
短燈檠底時然夢。黃葉林中獨閉關。新霽小奚來報語。斷雲過處露西山。

泛海僧

飛錫南游霧渺冥。浮生身外卽滄溟。風波惡處初移碇。龍鬼降時趁說經。
孤島泉流夏寒玉。亂山木落柱危屏。高飛欲向何天住。白嶽黃山與洞庭。

菊

方書浪說金精好。楚賦猶傳墜露篇。偶殿秋光伴高士。可能藥性駐長年。
孤花皎潔霜如洗。瘦葉橫斜綠倚烟。恥入朱門張錦繡。休將庸福損名賢。

將曉

屢數寒更催落葉。旋聞爆竹響鄰家。迴廊肅肅烏辭樹。小院陰陰雲護花。
虛白初疑北闕曙。微紅稍上東溟霞。惟餘鐘動馬鳴寺。猶憶鷗眠龍尾沙。

燈

稍似心光聚。能兼日月功。幽燕寒閣夜。一氣逼空濛。寂照松窗靜。餘輝竹徑通。
於君定何厚。伴我穗花紅。

世說：日照平晝。月照平夜。燈光照平晝夜。

瓦松

豈有松才調。徒然託處高。嚴霜不相恕。伏雨長而曹。大蘼摧元氣。簷泉走暗濤。秋來任枯槁。凋蕙又林皋。

次韻張桐將之濟南別

破帽疲驢出劍門。棧行辛苦與誰論。君看石鏡山頭雨。灑入幽齊一片雲。

翩翩神駿出南皮。何處相尋元武陂。濯錦江湖重迴首。風流儒雅屬吾師。

座師李達公方視蜀學。

蒿庵去後灤泉荒。高屐誰登寫禮堂。此去授經尋打本。伏生祠樹已微霜。

伏生授經圖石刻。今在沂州府學。

辯才應敵箭鋒機。氣挾幽燕馬不肥。好使田巴不開口。棘門餘子但妃豨。

憶女

耶不識兒面。稚髮垂兩耳。兒不識耶面。觀書常短視。思汝呱呱聲。學語未生齒。一稊栽已周。睟日母饋爾。越人將楚言。且復欣然喜。非男情亦慰。初索顰風始。耶不如汝祐。汝有母可恃。念母生我時。摧哽心不已。耶已生二毛。遠客形迹累。聊讀養生經。何云餐石髓。兒心渾渾然。卽具老佛理。行歸弄汝姪。劇雲瀟霍。溪欲得二頃田。牛飲而鵲起。作詩待汝長。何求於世矣。

漫興

自笑身隨眠食移。偶逢米汁亦中之。梵音千偈充陽氣。

公羊傳注。凡有聲。皆陽事。故樂以陽出。可以散鬱滯之疾。梵唄潮音。陽氣尤甚。

佛說三明

實玉肌。

十住論云。佛身七處滿。謂兩手兩肩兩足及頸。

左司解和春醪句。玉局能偷晚起詩。目驗王城人似海。何妨掉臂市中兒。

散人

野人寒與飢。皆蘊天性真。飢念脫粟飯。寒念羊裘溫。貴人飽與暖。日與詐僞親。未寒貂襜褕。未肌具八珍。彼其待手足。尚以利勢賄。何況待血氣。乃儕毛角倫。所以漆園傲。不願爲犧尊。所以華陽逸。不願金籠馴。羞爲彼哉伍。君當恕散人。

懷昔遊戲作

均父髮更白。仲修臂時風。元同眼已花。西泉耳仍聾。向來同局人。流光去匆匆。予亦非少年。濁酒時復中。偶與越縵老。銜杯向蒼穹。朝爲擊壤叟。暮作榮期翁。鄰家霜柿葉。照予顏亦紅。

送友人假還秦中省親

盍簪甫經歲。祖帳還傷別。浙浙林下游。欄欄燕山雪。咸子明發懷。攬雲欣可悅。野服成遠游。高標謝時惹。爲采商山芝。相期衛生訣。

時參

時參南郭忘形趣。愛讀東方誠子篇。偶渡村醪爲雪釀。卽於簫溜聽風泉。哦詩韻似霜中磬。作字艱如瀨上船。聞道金門堪避世。遇躋何必後稱賢。

上黃子壽丈

曾栖日下鶴。蕭蕭淩紫霧。張文潛詩。黃公蕭蕭日下鶴。明堂奏清角。仙樂鏘韶鈞。一朝鵝寥廓。身隱道轉伸。誰知龍蛇

飢羞與鷄雀羣。令惠飲和氣。清輝爛高雲。珠以枯岸潤。蘭以幽厓薰。盅然夏飲冰。豫若冬涉川。披縛六莸藪。特達窮天根。腹中琅玕實。鯉理誠殷勤。排雲叫閭闔。再使王風醇。島索各秋氣。不如一室春。阿膠雖徑寸。可止四瀆渾。觴豆陳堯禹。襟袪還黃軒。此情衆莫識。高揖綺與園。金徽揚妙曲。道惠煢至言。偶陳大雅義。鶴鳴冀遠聞。朝食玉山禾。暮栖孤竹根。長離表我潔。辛豹賦我文。芳風被鄉耄。名論濟世屯。甯闕長者志。欲識長者真。太行何叢叢。桑乾濁沔沔。傾厓不可樵。積波不可緝。爰居亦何樂。斂翮金馬門。八珍非所饜。五漿不願陳。但願青田游。卜與丹邱鄰。再拜漱寒碧。一瑩心與神。

荅

貴筑 黃彭年 子壽

陰陰歎季駛。朝霜若暮霧。卉零剛蟲驚。疇能持大鈞。神龍盡思蟄。尺蠖安可伸。鯨齒白如雪。出海千爲羣。雀鷄開天時。豈辦千霄雲。言誰藥石甘。香孰知見薰。層冰凝已堅。飲鶴何處川。襍莛脫籠樊。結巢長松根。病翮心自惜。嘯侶情每勤。伊祁近堯基。政闕而民醇。叢樹翳樓閣。碧澗幽含春。側聞丹穴鳳。浴水不浴渾。德牧耀奇字。華采騰軒軒。高調叶簫韶。求友靈禽園。暫饑竹未花。聖瑞誰爲言。阿閣翼欲翥。九皋鳴遙聞。曷去蒼筤箐。就啄茯苓根。裘裊不輕下。高奮思呈文。甚願儀丹闕。昌運開時屯。素琴寫此意。求友相彼真。長風颯然至。高下濤潺湲。滄洲繪滿壁。昕夕容垂緝。卷軸山石閒。天樂如衡門。客來無雜語。古義恆互陳。雅稱鳳偕鶴。守寒棲相鄰。同聲幸早應。一曲傳心神。

漸西村人初集

詩七

將之保定過蘆溝橋短咏。丙子

行行漸遠城西塔。惻惻還思林下游。疲馬也知人惜別。緩馱殘夢過蘆溝。

寓蓮花池作

南池谷轉望疑賒。北苑春來不可涯。洞石疑羊橫臥薜。窗雲如墨亂投雅。林喧鸚鵡初棲架。水暖鳧翁戲上沙。且學榮期行帶索。爲看花發帽簷斜。

別亮生

臨淮幕府出羣才。龍劍光芒首重回。湖海十年豪氣在。紫藤陰下倒千杯。

水生

二月十日春水生。瀨鄉漫士踢青行。小艇十斛生衣臥。魯崑引山谷解杜野艇怡受兩三人艇作平聲讀白鷺一雙揩眼明。蒼石罅中珠濺沫。亂松堆裏玉鳴。忽看籬落桃花發。葉底江南無限情。

曲池

折葦枯荷久卷聲。綠玻璃涸曲池平。忽逢春水生時節。浴鷺飛鳧俱有情。

定興道中懷桐廬

四百灘頭舊釣磯。三千甲子一來歸。山靈寄語念行客。少日栽松今十圍。

題慈雲寺壁

象行積淖須防縛。蛟在層湫或許瞞。欲知宿命辛關裏。見在生中苦行僧。

龍門精舍次韻沈約齋見贈長歌一首

高歌劇飲聊喧慙。何似輿祀友輩來。緇塵浣衣燕市客。歸次海國顏方開。浮名殘秩畏見束。且押強均淩
歐梅。約齋吾兄有狂氣。碧雞白馬言恢恢。不名一能絕涯濫。欲鑄四大窮胚胎。坐懷利器困場屋。魚腸繡
澀生莓苔。沈鄉試報罷今文高太摩室闕。君近作錄頗遜逸勁句直撼凌歊臺。夜光藏芒魚鼈笑。飛電掣練童兒唉。同

師興化子劉子。爬梳六藝甄三才。勿貪馬肝尋大藥。卻從鼠耳栽修槐。強懷旋張意阱阻。道岸俄築心兵
隕。師獨不言鑄羣物。胸襟雪落何皚皚。和風扇妍衆蟄喜。百昌茁地鳴春雷。昔者從游未領取。強執迹象
尋九能。狂花客慧坐自縛。何能食氣雲霞堆。掃除頑空悟實相。翦落枯肆生新枚。齋廚杞菊自可樂。隨俗
詰屈胡爲哉。丈夫貧無買地券。植根莽蒼寧非材。共分一日景光好。力破千卷羣疑猜。相期師說作火種。
歸注竹林兼玉杯。

簡汪梅村先生 士鐸

垂老談經猶奪席。淡言微出足排紛。未親色笑先思索。瀟散精神一片雲。

丙子十二月客居秣中惜陰書院連日大雪策蹇出游溪谷閒盡日乃返

清涼寺前山迴岡起雪竹寒林驚鷹竄雉前環積水不辨涯涘長風蕭寥汎乎無止微見炊烟喜逢村市
鍾山淖約玉擘肌理襟帶羣岫容止俶詭俯仰揖讓龍翔鶴跂八功德泉白石齒齒遺蝗潛壩年穀將美
蘭根薺麥夷榮含紫陽氣嚴藏地嶽隆施駕言出游登頓遲迤探奇出腐陟高由庫優哉游哉聊復爾耳

病鶴詩

爲愛高士作

翦翎送籠裏因之箸鶴言與物無競心疇能妨神全縱有掘堞厄可作江湖觀何當堯年雪病翮仍垂天
題秦淮水榭所藏宮鏡

白鷺洲翁朝撒網銜魚腹有古青銅多情還似南朝月曾照臨春花樹紅

懷劉融齋先生

丁丑

神山有鳥曰鳳見則閭浮大穰四相莫名東郭一隅自媿田方

又

雪霽千巖洞徹梅開一樹槎牙欲問尊師何處蒼蒼海島烟霞

仿滄洲病叟聞善決江河詩體擬作深山儕木石一首

未決江河頃冲瀾野老謔石淙苔澹澹木脫鹿惜惜或就陶家鉢閒隨藥者吟神從形影釋緣絕去來今
靜得超然趣虛涵太上音渾然游善始復見洊雷心

留題半山亭

雲水晴空澈。其寒可洗心。蒼荒石枰壞。寺古定林深。久許白漚鳥。誰攜蒼玉琴。人間有異境。韶濩一聽音。半山今有寺。豈卽荆公故宅。後捨爲報寧寺之遺趾耶。作詩用公集送孫正之韻。

山石龍從碧成團。如牛飲澗熊登陣。陂迴徑轉至者誰。獨與眞宰相邀要。高詞核俗古所悲。字說誰識衷之旗。公晚作字說。謂形聲皆有義。教必自此始。能知此者。則於道德之意。已十九矣。黃庭堅稱其文簡義深。許氏說文之見重於世。自公始發之。觀土山示蔡天啓詩。東京一祭酒云云。可知。靈湫之泉涸無時。窮源孤往吾行規。

二

有帶不羨萬釘園。俗士蟬噪無完陣。公文隊伍莫敢誰。切深往復窮酣饜。市易新法良可悲。厲階兩呂張其旗。誤公者呂嘉問。呂惠卿輩。鸚披隼翼非一時。晚悔奚及疇公規。

三

兩定林閒非鐵圍。昔割郭外今環陴。捨宅偶耳誣者誰。曲筆未免工詆嬉。梁摧鳳去卻誤悲。折芳拔荃傷桂旗。潞公僦宅城中時。臺傾餘竹安可規。李穆堂先生。辨宋史傳王雱事。非其實。以歷仕考之。臨誣。然世傳也。公元豐七年甲子夏。屬疾。奏乞以宅爲寺。疾愈。僦居城中。宋時江甯縣治。後廢。惠民藥局。卽其地。見李雁湖注。

四

食風酒旗。騎驢渺渺荒蹊時。架櫟作屋今餘規。

五

西陂種松今幾圍。寒雪一頃竹壓陣。風泉自吟知和誰。元豐老人衍以嬉。讀元城語我心悲。蒼欲衆蔽樹降旗。靈臺勿枉自有時。性行天得公子規。劉公元城語錄云。金陵亦非常人。不愛官職。不殖貨利。不耽聲色。與溫公同。唯論新法不合宜耳。

和前韻

歸安 霞子與

霜筠雪竹不成圍。公老穿廡鍾山陴。秋港揚舲繼者誰。微之秀老追游嬰。俞秀老。王微之。皆從荆公游。墩荒石泐幾懽悲。目窮今古疇能旗。高誘云旗。覆也。春蘭秋菊又一時。有欲求之慎前規。

又

文昌潘 存孺初

長松怪石皆十圍。上有散人倚城陴。虛空綠耳跨者誰。尋常險語工舐嬉。臨川捨宅齊欣悲。山靈乘風載雲旗。申商猶可拯秕時。要以方繫濟員規。

贈董策三

連牆不記別經年。往事迴思輒悵然。卻羨壺邱顏色好。養空能作幾重淵。

簡吳丈師機一絕

寶藥竹西市中。後隱居甘棠湖。

如今世上悠悠目。豈識人間有傅霖。見宋史張詠傳。小市支門朝賣藥。壺天收得一身深。

謝林學使

天齡

二十二韻

未窺閩學大。漳浦有傳薪。寧化差晚出。安溪如可津。璣誰三易洞。堂惜二希堦。祖述推孤詣。華光直重臣。
餅庵常愛孟。左海雅申陳。經說論同異。崇筵贊智仁。舊儀攷壽杖。故事用蒲輪。水旱頻憂國。租庸恐瘼民。
上陳丹戾戒。追溯赤符辛。遺補迴旋地。艱難啓沃辰。左高箴職。中祕繹師春。龍節俄分使。烏號痛晏巡。
迴思霑賜飭。翻憾隔征駢。任滿將瞻聖。廷推復借恂。除書重命巽。陽惠正闔屯。簫勺興儒術。輶軒頓病身。
綠圖資應召。白虎議兼旬。下走貧如憲。相响意荷敷。五更東冶望。一棹北江鄰。知有壺懸玉。虛蒙管鑲銀。
巋然親道德。迢爾聽韶鈞。挂席終愁別。迴車昨枉塵。

懷劉司業

他時欲作劉公馭。芒屨穿雲入夏峯。無水無山何礙隱。真清始信物能容。

贈唐提督

定奎

三十韻

唐合肥人。有勳
台灣番社功。

莒國圖烟閣。荆川刻日夷。晚餘孫卓犖。能辦賊離披。仇爽才何限。影搖略自奇。雙流肥水異。列宿總戎麾。
顧盼熊彪逸。縱橫蛇鳥遺。五丁搜仗庫。三甲識雄姿。龜暴頻乘障。行軍夙應規。金行迅雷薄。玉帳極風移。
元菟看敲劍。朱鷺待勒碑。饒歌常助陳。敕勒略工詞。鹿耳俄傳箭。蠶叢孰陷鉞。狼貪心不靖。鳥語面從撻。
獠燧侵蛟守。凶鋒起豕狂。

廟謨思猛士。地利拓巖陲。斥堠鳴蘭警。防秋新竹資。然犀青草瘴。飲馬白鹽池。拾葚齋糧速。燒荒渡窄遲。
澎菱輸白藿。猓酒酌紅蠡。輟覆延平鄭。功銘靖海施。渴飡椰子醬。倦枕木公皮。穴掃羊頭嶮。城摧獸角危。

蒼銅標一柱。火箭蕪千枝。詔賜功臣服。師還外海旗。勞動銀鑿落。飲至碧留犁。斂抑朱然美。忠純向寵期。論階積影羽。戮力慎交綏。剖竹騶諸國。崇牙漢尉治。更番持護節。特達上穹墀。予亦思鼙鼓。君其簪羽儀。聲詩鐫賜廟。刻畫不辭爲。

壯詞

閒騎漠北驢馬。快挾淮西健兒。插帳欲過蔥嶺。拔刀還勒穹碑。

又

箭落山雞羽赤。柳生左肘癡青。艸檄方書颯颯。登封旋侍亭亭。

放歌酬胡觀察

鳳丹

時客鄂州

金華山中紫烟客。招我名園坐瑤席。平生蹋遍五嶽青。飽探宛委二三策。黃鵠磯陽天下無。題咏鐫鐫徧厓石。致令鄂渚播清名。何用朱門拓霜戟。吉金樂石無不有。寶刻陳思此遺烏。自言欲寫七閣書。擲簡搖毫氣旁魄。相與勤斟拋青春。還念家山老魚麥。挂席東溟萬里來。火輪似卷銀濤堆。東西梁排兩蠓屋。大孤壓三蓬萊。匡廬瀑布不可見。洞庭欲瞰青崔嵬。要當南去窺衡嶽。縛茅雲谷燒松煤。海水橫飛賈胡舶。芳洲疑出秦時灰。登臨景氣開樓觀。文酒誅荅窮諸談。楚天三日黯霧雨。卯雞三號聊起舞。渡江誰是阿龍超。不然歸釣幽磯戶。試問蒸食槎頭鱸。何以狂尋石鍾乳。富春山剖乖龍股。待我江邊萬梅樹。若遇黃初平牧羊。爲注丹牀大藥譜。遲爾金華仙人上下古。

調凌子與

幽人自號爲病鶴。卜居莫釐第幾峯。匿裏詩餘幾芻狗。壺中杖跨一茅龍。若非梅尉門前住。定向公超市上逢。

江上

漢皋明珠月皎皎。江上雜佩青珊瑚。疑有神嬖張水戲。遙知羽客栖雲閒。塵霏小劫一黃鶴。賁責大秦雙白環。烟濤蒼茫意不盡。矯翮萬里成孤還。

頭陀寺

修竹多映水。好雲慵出關。寺殘無鶴迹。碑古有禽斑。苔滑月離畢。松鳴風落山。已荒王少頌。自袞勝情還。

鸚鵡洲

鸚鵡洲前芳艸稀。楊花如雪逐春歸。大隄三月紅芳歇。綰住殘春莫浪飛。大隄游女戴餘春。蜀舸朝朝賽別津。目斷蘼蕪山下路。桃花濁浪送行人。春愁浩浩集芳洲。不見畫舸向黃牛。隴山一賦眞淒絕。應遣長江咽不流。

三月十一日。自大別至鮎魚口。風狂幾不得渡。舟行出險。追書一詩。

驚舟簸復橫。白浪若衝城。帆逐鳥邊渡。人從魚腹生。騎危百靈集。出險一身輕。猿立空山柏。輸君無世情。

吳淵穎詩。大別古柏如立猿。

楚山

楚山鮮翠不知名。送我扁舟江海行。倒景玻璃天劃碎。盤空瓔珞石橫生。風帘白墮三杯釀。雨鏹黃陂一尺耕。卻羨結茅洲上住。魚罾晴曬綠楊城。

又

柳絮白吹沙際浪。菜花黃入渡頭雲。中流忽見楚山影。上有幽人喚不聞。

吾師

庸俗息衆毀。吾師陸合肥。

陸祁孫詩。庸息衆毀。

一亡書池北憶。倦客竹西歸。雨榭榆生耳。風園竹解衣。行勝真可隱。

生事亦無機。

李申書先生詩。願借雙行勝。以爲安樂窩。

莊中白索題林蘭客館詩

林蘭彼何花。花以名人重。拓室裁丈餘。清夜聞孤諷。注緯羣疑芟。擬予名理洞。

君草易緯八種補注。又作大圖說其文頗類。予據諸傳。

奇撐方介立。瓊槩發佳夢。破寂聞幽香。瞥見桐花鳳。膝痺牀幾穿。言高箭微中。五十不登朝。鄉州誰辟貢。客土根未危。臘雪蘊尙凍。莫笑主人貧。龍鸞簪雲鞵。去年淮南餓。流亡廢春種。寒儒亦栖栖。萬卷付覆瓿。何日上林開。一爲王者用。

上林賦。鮮支黃鸞。鮮支卽林蘭花也。

有懷定林土山之游

八功德水迴環抱。竹覆隆冬夜雪深。偶倚槁梧禪智寺。猶疑把臂入荒林。

觀安吳包倦翁爲吳禮北書竹西求友圖敘。吳君屬予題後。

倦翁縱橫家。深曉城旦書。函牛鼎苟沸。蟻足安能濡。惜哉時不識。長轡委通衢。吳君淮陰彥。竹西來徐徐。瀝翁客游此。媚學亦有徒。餘藝八法授。游刃萬物初。密麗嚴性道。純深父唐虞。真風已告逝。衡纊乃塞途。求古澹已足。懷賢實起予。閉門觀內游。六籍懽有餘。寄語後來者。其毋撓世譽。

雅克薩城

聖德神功古所希。九朝柔遠頌康熙。鐵菱真垓三韓戍。銅柱鐫銘五體碑。豈爲廣輪通象譯。曾聞方俗革魚皮。景陵自有安邊策。有道由來守四夷。

育育

育育魚龍浩蕩春。千紅躑躅弄歸人。扁舟蝦菜君須計。莫待然犀始采薪。

五月五日

佳節應沿屈。清時匪涉江。敢辭旅人役。未遣壯心降。歌舞竹西異。流亡淮北哢。綠荷包楚糗。綵縷繡吳絳。香飯準提散。疏鐘禪智撻。終憐農望雨。村鼓聽鋒鋒。

贈朱竹石太守

文饒起蔭任。天姿稟勁拔。偉思霄宇峰。壯圖波瀾闊。丁寧平泉營。大制河朔割。從容資坐謀。風流自宏達。君乃慕文饒。門才出勳闕。高言厄時趨。藥論求國瘼。丞吳仰短轅。伏櫪恥受秣。欲刊會昌集。力斫世議聒。

一世習脂韋。圓曲相啣沫。利器以時伸。君相求若漱。脫非猛虎強。何以別箭栝。方當諭澤潞。豈忍誅悉怛。走雖鉛刀材。亦欲睹迴幹。疲恭慚早衰。歌商猶激越。請與盡心期。臧情望天末。

論文一首示同志

文於一氣中。吸萬物之精。二儀始鑿度。七緯遂分形。縱之扶塹。贖衡之絕泓。崢嶸力能引。愆伏理亦佐。平成先王業。久荒夷塗塞。榛荆識路當。疾驅裹糧遂。徂征徂征。豈憚遠前聖之所營。初從經流大。搜鑿幽礪。潢交濳別。汜泗異味判。渭涇洗洋絕。大壑冥心治。舟杭或探獨。角虬苦戰修。尾鯨禹迹所不到。應龍爲之耕。精靈闕水府。絳節相導迎。參差討異派。爛漫得周行。始窺豫章根。蟠地絕厚藏。視之大蔽山。我目不得明。一一尋枝葉。遂識柯條昌。斤斧慎所施。沈精謝飛揚。中誠既洞達。所得巨棟梁。面勢審曲直。圭景窮短長。鉤量幾年歲。層臺麗飛甍。八窗呀且豁。青陽連總章。智者覬其巧。愚者迷其方。勿以經流大。而蔑汝與洸。勿謂豫章材。而棄堂密樅。先難後乃獲。由堙躋崇罔。積久源自充。左右萬象呈。藝然道亦爾。勗之慎勿忘。吳郡丞新闢東齋。

贈崔碩父學博

荆溪人

泊宅何所適。久爲僮僕噴。高齋遇花竹。危構敞精神。靜得濠梁趣。喧無京洛塵。賢哉陳仲舉。容得漫郎身。續文今見崔斯立。寄命荒庭柏石閒。賴有朱游爲地主。免嗤樵隱不同山。一任胭脂遮法眼。崔有目疾。猶能十石挽黃閒。擬從陽羨同輕舸。去訪赤烏封禪山。

簡辭提刑書常

歲源庚申往邊思戊己才魚羊千騎至。貔虎六軍摧。諫草牽裾切。班心斷鞅陪。一梟方逞毒。三豎亦沈猜。火徹昆明涸。芒搖太白皚。翠華行獮狩。赤翟掄毳毼。淀苑遮留數。灤宮氣色開。留防期自效。扈蹕未兼咳。撻伐遣中冀。阡危斥上臺。竹符俄出守。糧料更行臺。喉鶴听宵警。飢鴻慘澹災。供張輸幕府。飛輓積京垓。遂典淮揚備。頻蘇決塞災。去思餘召埭。行部式顏坏。察吏如操溼。煩條革棄灰。惠文增秩貴。決比引經裁。亭有滄浪古。工興瓦礫堆。林皋洗佳趣。水石韻流杯。

帝力安耕鑿。儒風出燼煨。憂難忘莒陌。銘欲刻涪隈。吳市輶如寄。夷門駕一迴。因公談往事。屯難感雲雷。
咸豐十年七月。京師戒嚴。詔以周公祖培等。爲團防四大臣。先外舅薛淮生侍御及提刑等十人副之。提刑與外舅同抗延諫止北狩。八月初八日。大駕始發。將幸灤陽。

桂枝寓興

桂枝北地好。萬里還傷別。卻憶急觴傾。菖蒲花九節。

高伯足 心夔 劉柳生 履芬

履芬

雨中招集陶堂陸君亦至。酒罷獨游滄浪亭。入印心石屋。憩坐久之而歸。

作詩簡三君

得隨盍簪樂。復有積巾櫛。朝來滄洲逸。把臂青林閒。劉龔鄰州彥。高鳳振修翰。近得陸生逸。乃試楚枝官。情話未及半。酒殺羅玉柈。汲古無近癖。傷俗有悴顏。竹實未遑采。枳花亦羞餐。遂令陸沈客。未有平柯安。

稍辭入林薄。紆曲如登山。仰捫蒼石壁。俯聆鳴玉潺。脩脩驟雨過。濯濯苔錢斑。名賢拜石像。左右森瑣瑤。覓尋陶公洞。結想切雲冠。集賢追謫籍。遺墅寄平寬。世議豈終掄。風期如可扳。人去修竹合。亭摧飛鵲還。寄言慰吾友。聊作記游觀。

漫興

飢貧與訕毀。排日讎肝腎。賴有古心飴。充然堅城楯。氣勢兩相劇。戰勝拓町畛。非譽不敢懷。蹟遠如可準。齟齬誠難合。參差勿求泯。醬瓿嗤覆餗。石鼎嘲竅蚓。相知千載上。惟郊愈勉。不欲誇塵幘。相期嚴韞鞬。鬪難沙欄護。拱鼠城南賑。遇感雙鳥囚。情豈五漿紵。何傷國子齊。勿斥申嘉贖。薄俗乃不然。語穽藏隱鱗。紛予倦行役。二毛漸凋參。北上候火流。南來溯霜隕。汎梗慚貞堅。寒栖期菌蠢。漫刺慵叩關。遺經旋抱稊。犀首空說秦。豬肝誰饋閔。終遺外物游。一逃狂泉窘。長嘯竹林游。吾宗晞袁尹。

哭鍾子勤先生

道帙俄長擯。講筵嗟已沈。正詞五宋石。傷別雙南金。竟抱不傳逝。誰能徵學尋。窈冥東海曲。末技媿知音。重至晦村。

綠篠依荒岡。白雲媚幽石。先公此游釣。寂寂經行迹。山阿悵復來。溪風撼林夕。

卜居 時假歸 桐廬

長安市中戰枯碁。知北游篇賦復疑。欲投坊郭耕綠野。又苦求羊無和者。形容略變性靈存。白石蒼松常。

對門漸損佳游山水癖。時親老圃笑言溫。無田空羨蹲鴟沃。無竹難營待鶴軒。旅庭葵穀不論直。荒井鹿廬無復存。儉歲驅人逐黃鵠。名山留我佩烏犍。求仕非嫌去豈高。古今眞士共賢陶。何妨避世金門去。不用鸞鳩巢短蒿。

桐君孤嶼

危峯岑起削青成。似有羣仙抗手迎。日出常疑塔光現。雲來時挾溪聲行。窗中一水浮衣帶。洞裏三生訪石枰。我欲山中聽齋鼓。安心未肯學屠鯨。

觀江濤作

晝則衆竅皆號。夜則衆竅皆寂。惟爾萬頃雲濤。終古雷轟箭激。

至人

世緣常有焚和厄。道術便於斷際歸。莫誤千金舉作散。勿爲五技鼠張機。何須辟穀追黃石。不待穿雲入翠微。但守至人眞訣在。非眞非俗兩無譏。

山行雜詩以虛疊非我恥五字爲韻

曉策采藥路。俯驚山魍居。行人度木杪。影落碧潭虛。野葛習爲食。枯基累作臺。何如白茅屋。危坐對空疊。海鳥六月息。木客三旬飢。微聞天樂妙。未議物情非。

煩惱樹無枝。堅牢船不柁。伐樹作船無。佛捨藥飴我。
拏噴無斗儲。乃挂瓢於此。且復酌溪泉。澗泥吾所恥。

追題王丈子穎種竹圖

縣南子猷好種竹。風日竹閒勤曝書。卻憶持竿釣東海。三年欲膾長鯨魚。風梢霧葉不可作。壁上墨君飽
松腴。而今咫尺河山感。林下欲答秣陵書。

答周桐廬一首

桐以木氏縣。蔥蘢溪壑美。賦瘠戶皆貧。俗疲紛待理。觀茲元魯山。政成稷月始。何以訓令德。山精獻芝紫。
繡峯爲枕屏。白雲當戶起。松作幽人筆。笋成君子履。華軒旣見臨。來暮歌咸喜。竊慕澹臺仁。非公未嘗至。
獨秀峯下村居 俞趙兩姓
世爲昏困

牧童晚唱隔溪聞。一片溪流入野雲。恰似朱陳通嫁娶。不知人世有紛紜。

出世

出世仗天性。漫胸有古悲。支離畏世網。宵眇隔心期。閭里稀舊識。卑栖無定枝。醬翁與篋叟。倘亦有吾師。
次韻胡明經。泛舟真酒。爲予餞行。兼別趙聶兩秀才。

買艇溪頭將欲行。合江亭畔話離情。笛中高唱雲先住。簾外微涼月漸生。厓石夜看飛欲落。漁燈遙指鷺
還明。徐方舟恰芒屨至。集裏新詩送客成。

渡頭一樹柳微黃。浩渺長天遠水光。服食便當尋藥錄。築堂真欲待聲郎。紫萸紅蓼園今廢。白石清泉興未忘。不爲故鄉生事儉。訪奇山澤待攜糧。

欲逐野雲栖絕島。起看江月挂疏林。投鹽著水喻詩味。枯木彈絲含別心。濠上游鯈輸子樂。窪中桂酒爲予斟。遠游一賦真無奈。浩蕩羈懷此夕深。

多謝高情出里閭。五漿欲餽大瓢儲。未妨乞食叩茅屋。時復開尊引翠裾。閱世何堪繫馬止。忘機真與觸舟虛。暫游決棄冠纓返。無數青山環舊廬。

無錫道中望惠山

曲曲帆迎面面山。聽松庵定壓孱顏。竹鑪問訊今無恙。欲載千巵乳水還。

醉裏

愁中每覺霄垠窄。醉裏從教屢屨寬。耐辱而今號居士。梅花釀透者番寒。

夢游茅山寤而記之

玉礪金沙粲可數。蒼官青士相對閒。閣中逸老不知姓。八十梨棗生朱顏。天風吹松自宮徵。水樂遶門成珮環。我欲叩關石罅合。日落歸牛初下山。

贈高叔遲

幾載同書局。盤供苜蓿俱。飽餐少施氏。恥逐陶胡奴。貧守一編好。書從三絕摹。閑門綠苔上。高枕夢蘧蘧。

亭林先生有辭生日書。今稼軒吳丈比部七十生朝。先期止客。予見其手帖。歎爲盛德事。雅蒙誤獎。不能無言。奉寄里詞。伏增皇恐。

卻埽懸車已卅年。講堂風日集三鱣。澹栽花竹通和氣。倦枕圖書有別天。杖倚朱藤修日譜。文成銀筆謝時妍。太常詔起曹褒議。會讀先生學禮篇。

東閣一登爲相掾。西曹再入又臺郎。並時名輩存今獨。垂老新詩格更蒼。散穀如聞鄭公業。傳衣敬爲潘山陽。君爲四農先生高弟子何時汎棹淮壩去。試叩靈臺大藥方。

題畫絕句

誰與擺脫此枰中。只惜登場欠國工。樵斧吹枯能幾局。不如收拾隱牆東。觀弈寮
泠泠松吹戛寒玉。前者未終後者續。道人茅閣眼中成。攜一枝藤下烟谷。聽松樹

冬日秣陵龍蟠里精舍作

偶尋餘霞閣。殘竹但蕭森。經師渡江去。昨動還山吟。慰師返滁荒岡閉晚市。寒水明遙岑。卽事無賓主。超搖一散襟。

漸西村人初集

詩八

讀東洲草堂集題語戊寅

挾石怒猊搖潑動。渡河香象徹流明。道州書勢已驚絕。秀句況如春景晴。

舟中觀內子畫海天羣島因題一絕

海山點綴如螺殼。鎮日浮空縹渺青。多事成連裏糧去。何如豪楮攝異形。

題所居

河小難爲九里潤。

予以養暮復入都
僦居近三里河

身閑收得一堂深。未妨市隱不歸去。穆徑槐花伴醉吟。

壽義烏朱丈詩

沈溪蟬衍華川靈長。篤生君子邦家之光。射于澤宮。有蔥佩玉。惟獨也正。超然其躅。兩掌學職。生徒祁祁。考業卽安。旣去而思。入刑于家。方矩秩秩。在約彌寬。課幽斯密。樂只君子。所以黃耆。繼起騰驤。保艾爾後。匪爵是崇。惟德之從。匪服伊華。惟氣之冲。出觀于國。後進法式。太圭元酒。不醕不飾。辛壬之際。有盜綢州。頽廢其織。毗荒其疇。縛人如麻。空村門狃。竄冒救之。累繭重轂。芟夷羣醜。自君發之。事定勞成。不名一辭。山堂卜築。油素幪千。詆禮稽樂。家自爲傳。丈譙于堂。寒甃捭豚。天秩旣飭。地嘯以尊。丈游于山。喬仝列居。

金華石室，神仙所都。溪有仁禽，山有禮獸。福生無爲，陰德斯授。廬山之高，繼美劉君。樂只君子，造家其勩。
園花

丹沙點漆漫庭砌，璫細園花不足科。留伴村翁籬下酌，科頭自唱夏峯歌。

琴家夏峯歌，舊題尹芝仙作。乃容城孫徵君自寓也。蓋空同道士鄒訢之比。

哭王少梅大令汝霖

勾鹿書來已隔年，無端神理失綿綿。才猶未盡黃閒穀，名憶同題翠壁鐫。試作騎兵言戲耳，況聞盜課氣無前。時艱正待收羣策，忽漫短生隨化遷。君爲崇仁令，以盜課考最。

往時載酒西湖埭，痛飲頻遺石上簪。夜注虎鈴論遠略，朝參龍蹠挾仙心。重游已是山陽笛，再鼓那堪子敬琴。更欲將書訊南使，送帑鄉井力誰任。

庫頁島

聞俄人經營其地，造船築營，故作是詩。

冰壑凌兢絕塞烟，累朝盟北靖樓船。東西尉候三萬里，神武康乾二百年。天柱氣溟長白壯，地球脈注混同偏。但期梁策冰夷駕，會遣波長精衛填。

秋暮游西山得詩三首

竹汀錢先生云：游山是尋樂事，作詩乃自尋煩惱。至哉是言，得大解脫。興之所至，偶唱打油，不足云作。至於煩惱，或寓唐捐。

夜登翠微山絕頂

渡河試參象兔力，登山誰辨龍鹿躡。青林把臂一忻然，共漱流泉浮玉島。吾師內觀刻憂端，南皮張公七客外

游窮繁表。竹坡·繩菴·伯潛·敬輿·再同列炬照灼驚潛虬。塔鈴參差臨飛鳥。欲攜元圃無言子。巖廊宵冥獨見曉。稍和嘯侶跨山梁。司登者三人·以徐領樵童度木杪。霏霏滴翠杉松冷。漠漠生烟城郭小。何方清磬答鯨鑿。上有纈林覆龍湫。道人定心不畏虎。延客入觀月皎皎。爲敲石火煮新茶。泉味甘香勝清醪。蒼藤古洞不敢捫。飛檻橫空山氣縹。夜深綠霧沾人衣。野電穿林變震掉。雞鳴月黑下山去。天扉訇然翻思矯。明朝更渡桑乾河。馬上天瓢測多少。

戒壇松

去城五十五里近。天色嚴淨還春容。松排曳落河十輩。寺鑿蒼閣巔一峯。蒼皮磊砢多節目。元氣迴薄無春冬。欲投香飯流杯渡。壑舟何許泉淙淙。

潭柘泉

學山與山同。靜氣懾豺虎。老松如古德。疎揖蓬萊股。天憐蒼峽瘖。壁破玉龍乳。飛鳴濺琴筑。竅鑿靈府語。鏗鏘太廟樂。霹靂石車雨。萌芽坼寒癡。拿作中宮羽。真源衣帶長。傑閣苔蘚古。經流互隱見。三淵翳復吐。漱甘辛釀春。唾綠寒逼戶。有時琴高生。潑刺潭底宇。上滲青楓林。下注黃獨圃。出坎入坎雲。無絃有絃譜。枕之三千炊。濯以丈二組。一瓢瑩我心。淨正不可腐。

招鼎父

葉公好似轉疑真。華實不同眩朱碧。知音者希我誠貴。越石所以甯削迹。豈知世并少葉公。對相俛眉無

揖客秩微俸。薄食指殷季。廩官錢無足陌。飾說干令本非賢。抱甕澆畦復愁瘠。連牆且喚朱翁飲。相眎而笑神不隔。能誦皇墳見亦罕。況乃曾同湖舫席。穀北漸西不歸隱。撻西山雲抱白石。桃雖未熟許同嘗。冠縱難彈求挂籍。掾時未睹日中甕。學道遠踰山下澤。殘生傷性復耽書。戊夜整微雪窗白。檣籬植援動高興。菊塋吹花恣浮拍。人生有涯烏過隙。歌呼坐忘在陳阿。黼藻堯禹自有賢。咀嚼圖書但償癖。望衡何必非老龐。共宅夾沔僅今夕。一杯相屬君莫辭。竹月泓崢盪精魄。時與鼎父同寓舍。

方烈婦詩有叙

予友陽湖方恠子謹。彥聞大令孫。予嘗稱其爲人。如春巖融雪。晴瀑挂松者也。媚學善屬文。器識超然夷曠。意其必享高爵長年。今歲暮春。右輔旱疫。遽嬰疾。委化于樊輿書局。年裁壯夫。遽爾摧折。昔魏太子謂親故罹災。一時並逝。今薊北淮南。有數故人。皆以疫故。牽連鬼錄。子謹其一也。吁可悲哉。烈婦趙。乃康熙朝御史大夫。謚恭毅公。仍孫。強項牧。名烈文之女。以方君流離姻媾。故留其父家。居虞山下。聞之哀慟。動其家人。屢欲自鴆。以有遺腹勸止。及舉之女也。孺人傷宗祏之幾殄。悼逝者之志不伸。髮經未虞。雉經以相從于地下。所司以狀聞于朝。太常旌焉。吁。男子不死于婦人之手。婦人不死于男子之手。方君法度士。不離輜重。非積私昵。使內人行哭失聲可知。乃能致其賢婦賓敬。矢幽明。不豪毛相負若此。然則君之賢。其瘼可知矣。獨哀君法宜久眎。而短折不延。宜光大而懷奇不曜。宜有後矣。而寥落無子姓。豈高名將懸于虹蜺。鬼魅妒之。而靳夫庸庸者之報耶。漆園吏有言。人

之君子。天之小人。芒昧之故。非予敢知已。作烈婦吟。以追悼方。

嶧山趨晉興。百折入蒼海。中有連理木。柯節日磳礫。不獻瑞應圖。翻隨校書郎。君在交河陰。妾居虞山陽。願爲蚊憐夔。願爲蛩負蟻。六氣采朝霞。兩地見明月。明月珠不綈。飛霞佩難齊。靡蕪涉長阪。垂柳覆金閨。旣得結終始。尊章去影忽。與君奉蒸嘗。攝事奠無闕。團團南榮桂。實蠹花如銀。纂纂東棗。赤心同苦辛。法物不在廟。飛黃不在廐。勁榦凌北風。歲寒非早秀。君來草始腓。君去歲載華。秋帳警黃鶴。春陸沈龍蛇。不因燔湘竹。何知汗簡馨。若若夢中路。磊磊曙後星。委蛻非我有。中腸幾熬煎。崩城非我潔。何以明惛惛。徘徊復徘徊。自挂孤生樹。淚流妾安歸。血迸公無渡。蹈海水爲竭。望山石爲枯。乾笑負國者。徒有如戟鬚。我欲述雙壁。清風動林屋。勒銘北江厓。上激振鷺瀑。

槐廬前示尊甫翰臣先生經德堂集校畢招飲兼示新詩牽勉奉和並簡韋君伯嘯。

臨桂好詩兼好客。舌如電光氣旁魄。先公一卷冰雪文。顧我校讎讀之百。桐城文格歸嶺表。

梅柏峴郎中語

秋菊

已謝得霜柏。晚餘吾兄蒐舊聞。日下郎潛困常格。尸居久矣不挂眼。腐鼠徒勞相恐嚇。偶然開堂宴尊酒。錢乏準衣貧不惜。豐車肥馬未爲賢。長劍切雲豈辭瘠。坐論台北與安西。人臣之利非上策。憂時有淚井。讕笑忘象無言小儒昨。傾囊且買日精花。芳曜開林亂朱碧。發興豈讓東籬翁。祖謝周劉共爭席。蕭辰何必盡重九。雲月清癸盪瑤夕。昨來示我矚目寒。四百廿言草隸適。勁句洒如松下風。殺字盤紆復跳擲。嗟君才旣了百人。且勿耗心文字役。文淵器大事可爲。浪嗤朱勃早通籍。韋子靜者君有連。五字蕭澹七字

妍袖中各有南風手。何不補取皇朝武功饒吹篇。豈若東城儕圃叟。長鑱白木耕蒼烟。

雪中簡松岑院長。用韓集寄崔二十六斯立韻。並呈謝夢漁給諫。

北平幽栖雪掩關。萬樹皴玉失西山。學舍欠伸簷壓帽。予乃叢書於其閒。戶曹卻掃日湛飲。故將綠酒澆童顏。端公十年未一轉。有如老驥滯天閑。數奇由來老少共。寒女白絲遺蒯菅。天扉公相涉時了。氣嚴語簡安可攢。劑零酌陽格災稔。飛霰降澤羣疑刪。吾儕安居觀物化。藏器默與時迴環。朱鳶盜兵會龜定。天山勒銘甲罷擐。乾坤清夷利登進。豈終巷遇遭天慳。獨令商歌凍破屋。三冬蟄臥如蟲頑。

戲書壁

昔爲東城圃叟。今作冬烘學究。有時獨速牛歌。偶署支離馬走。山肩霜聳疑寒。河面風吹未皺。任從米汁逃禪。竈婢不聞渠話。

懷桐君山中歌

江上巉巖之深山。欲往從之絕扳援。厓傾谷暗蟄鳥怨。青楓赤葉攢其閒。林衣紛挐見玉宇。上有落日浮雲殷。但聞寒泉琴筑凍復圻。潛出石罅衝潺湲。聞君齋糧海上何時還。木食礪飲空閉關。陽嘯嘖嘖。元熊白鹿走其廡。陰壑凜冽。黃精赤箭覆其櫺。胡爲燕趙浪馳騁。夕雪沒髀朝忘餐。薄田二頃豈難覓。楳木三年行可樊。坐令樵牧思君嘖疑作。老鶻霜拳巢石壇。寒栖隱士著蘿薜。致君招隱歸來篇。不然投竿西入瀨。珊瑚樹長垂闌干。洞天福地有如此。胡逐塵塏凋朱顏。銅川仙人王無功。猶憶弟妹思故園。池臺井竈。

底閑處。孤此竹樹青檀。軒轅外臣桐作姓。移文京洛。厚相諍。江上梅花遲凍輪。磯頭蝦菜望歸榜。笑謝山靈。展息壤。買山且須後期請。試坐東軒。一臥游。霏紅拂黛圖凌映。西山一勺當瀧泉。異地何曾失泉性。

二十八宿研歌。效涪翁體。爲張生作

角磬泓崢一規研。礪之不舍石飲箭。亢旱七年此屢溉。藏汝名山潤井磴。氏羌解辯羽檄馳。功成元圭捧天墀。房山石經字斫罷。羅縷道妙隸與蟬。心之困困銘汝背。玉帶錦褱備十寶。尾生哀汝如申徒。再捧石丈割雲腴。箕張聲謹蒙世喏。獨仗端公如石友。斗落泉源不可陂。珠璣萬斛洒淋漓。牛耕偃游四科耦。抗志不數麟狩後。女媧遺礪泣五精。昆吾鋸屑霏元英。虛期草筵回天意。空復鉏奸借前史。危言嶽嶽動九天。劇談混混鉤三淵。室無一丈能拈地。研池無涯嗜爲餌。壁藏冢鑄資爬搜。意氣於今無匹儔。奎章閣吏草新銘。神采爛似山元卿。婁敬釋輓取奉春。我獨胡爲手將龜。胃爲天倉有高廩。深耨來年應倍稔。昂作天街拓雲構。研都擊下輸般湊。畢陳古物敦與鏹。九能大夫來勒銘。蜚螭負鳳輦樂石。三體經生網遺籍。參文度樣互相稽。烹平斷爛開成墜。井封咨汝離石君。礪治高詞儷皇墳。鬼鳴啾啾粟天雨。墨碓飛花研山樹。柳材非茱蒙器斲。南皮經師猥收錄。星星未見尙黑頭。載酒問奇行不休。張生二十華文賦。傳研藏之供箋注。翼然二俊成一軍。突過三張硯將焚。軫修道遠予壯悔。同乘糗糒浮學海。

戲題學舍

目倦一丈室。齧穿六尺牀。我非病維摩。嘆此火宅涼。又非耄幼安。皂帽倚隱囊。一日復一夕。柴立未渠央。

市聲塵屋山。短檠昏吐芒。奴星一來饋。或觸屏風僵。伊優秋蠅語。聒沸夏蜩吭。坐如枯松枝。舌欲弊廣長。將梗彌明喉。渴妣太官漿。誨爾子無藐。嗒然吾已忘。向來腸百恠。十索不一償。媿乏嬰兒色。復替町畦方。內和不得出。外韃政爾妨。俄看綺避雁。莫遣穀亡羊。洄洄冰語炭。切切參呼商。象受佛械縛。烏失天風浪。一笑傷野性。再拜陳後堂。將辭窯廠游。脫若驚鳬翔。

漸西村人初集

詩九

瀨上舟雜興已卯

瀨上舟何以名。因所居學舍。詰屈如舟而名之也。汎兮若無止。漻兮若不繫。虛己以游。容身而居。走少家富春之渚。紫巖綠岫。潭礪淙流。繁花覆溪。數里一曲。春松垂蘿。雲壑萬態。久矣不與吾目相接。吾淡然無爲。而神游焉。斯不齋糧而至矣。何處不可作瀨上觀乎。目瞑意適。隨疏所得記之。

儒無宮一畝。胸有山千疊。迴牽岸上舟。藏壑輕如葉。勿出風波言。甘作風波民。據梧眠較穩。永日靜垂綸。松暗三山塔。花明九里洲。夢中春水熟。放棹一夷猶。石鼎竅自鳴。松風落檐際。坐聞春夜泉。稍出叢篁翳。刺亦無所前。泊亦無所止。延緣迴溪閒。歲晏期游此。寒夜撥爐火。蕭蕭雪打篷。不知絕島闊。人語春煙空。稍稍檐鵲鳴。微微風竹語。何似狎羣漚。菰中不知處。上學如上渾。放參如下灘。君看金石住。何曾逐驚湍。

續咏

種蕉大如蓬。驟雨聲喧聒。驚起夢江湖。挂席煙水闊。
桐生雙井上。風露淨娟娟。若爲呼作姓。食肉自能仙。
沈沈北戶綠。空際晚涼生。會遣龍孫輩。床虛時一鳴。
種菊依疏籬。焚香出茅屋。銅甃浪翻江。知有暗泉伏。
懷人風雨夕。發興滄浪舟。世路渾無岸。跼蹐銷百憂。
臥疴乍褰帷。新月掛屋角。忽憶聽田歌。何殊張水樂。
閱世長安弈。升沈幾局枯。浮名竟何益。輸與漢潛夫。
一壺松醪春。幾寸松枝筆。栖泊何所營。龐公戒浪出。

戲簡松岑趣作篆

冰翁而後接龍生。以筯畫灰玉精英。況復黔安蛻句律。
偏師電掃千名城。八桂巖頭谷音發。六槐街裏竹
花榮。雖無一丈好東絹。煩君攜酒夏蟲驚。

哭張牧莊

磨君百跼帝京塵。
君直內閣十餘年。從不賃車代步。
綴玉流溫見性真。一自越吟餘響杳。蕭閒閣吏更何人。

禁城

禁城甘雨後風物似春餘。問道虛丹鼎探奇。闕漆書鐸聲喧啁鵲。橋影聚游魚。寂寂揚雲論。何年陪石渠。
寄從兄新之

別後三鑽火。書來一破顏。萍浮長兒女。樗散謝躋攀。笋坼新移榻。苔斲舊釣灣。晴嵐入樓好。飛閣倚江潺。
石屋花更發。野橋楓幾殷。他時小蠻榼。共醉兩山閒。

張君立生日詩以勸之

謾謾勁風松下吹。更教重穎茁華池。精微讀破張侯論。古淡能爲水部詩。博物猶應識龍鮓。諷書何用借
鷗夷。一編日歷過庭錄。紅豆傳經手重持。
漸含新意到精廬。梧竹深青手自鉏。作賦剛逢游洛歲。清才合遣夾漳居。但期風雨含飛動。豈有門庭事
埽除。看取捐雲二千尺。老子菌蠢社前樗。

送友人之粵

人物眇然吳會閒。舊游靈落參橫天。與君尙抱壯夫志。甯方爲皁不爲圓。風吹橘柚貢南國。日啖荔支去
龍編。相看萬里各努力。志清尉候方歸田。

名子詩

五月能言舜德之衰。國君同食子綦懷憂。被褐治玉。戰勝與期。魯卹奚辨。一經是師。名汝曰櫛。字汝仲默。
闕爾微長。訟過毋飾。聆呱入門。予實涼德。可不敬與。前言汝則。

座師孝達張公生日作

居鄰舊縣三程近。生後深甯四日強。災異曾推星實宋。宏詞不獨磬銘商。萬年藤杖石路滑。五經壁字金絲藏。時太白畫見。公爲國子司業。上書言事。且坐牆東斟桂酒。彭宣喚取侍華堂。

寄孫太僕丈

潛虬亦受豫且困。世網傷性何由馴。公甯久廢金穀地。應陪朝論懷批鱗。一麾京國二十載。玉泉迴首昆湖滑。食笋齋頭窟麋醺。榆杻合抱藤蘿昏。浮雲變幻事事改。朱轡假節秣陵春。晚餘濬園道旁石。猶識舊直三天臣。時艱再召羣望洽。大官更事餘空齷。行披琅玕貢宣室。莫漫演溪投巨繆。況今法宮感星異。修刑修德重光新。要令柔祇安且靜。五月中。龍蜀地大震。陷沒數千家。登進衆直收桔槔。誰歟目若營四海。國工有待盧醫秦。練衣蒲扇坐鎮俗。亦能一藥疲與呻。列卿不獨掌桐馬。天閑蹴蹋銀騏驎。具茨問道知去害。文事肯數歸嚴陳。勞公百觚上東門。履常不飲甌生塵。

答全椒譚令君

荆川習禮高槐下。唐襄文公。嘗講學襄水書院。今廢。孫策移家大道邊。孫桓王在歷陽未渡江時。嘗奉母吳夫人居阜陵。後入曲阿。始遣將陳寶。至阜陵迎母。漢落如君猶墨綬。支離笑我殼黃肩。幾時爲假秦毛羽。人世終愁越膽肝。霸業久應隨宿草。清流何事託庸奸。微吟一勒南岡石。游迹終懷仙苑賢。全椒學宮。石刻仙苑二字。朱子書。但保人生金石好。何須遽問蹲鴟田。

壽休甯吳學士

風雨鱗鬣動。吹噓廢疾蘇。如何魯酒薄。來佐太廚腍。共一漸江水。源三天子都。垂虹黦瀑瀦。徠馬漢郊符。郎省初題柱。連敖旋握珠。要章典屬國。指畫坤靈圖。內制鸞臺貴。邊籌象譯殊。稱身衣借紫。生耳轂塗朱。責貢條支羽。髮時魏國瓠。黃流思塞蕢。赤海罷乘泚。校士春關錄。懷賢夏屋榆。不才孤器賞。僂遇戀夷塗。壯武論陶雋。高平薦富劬。汗溝相馬式。微尚笑龍屠。榮菊奇稔邁。吹花綠酒醑。季蘭詩一獻。孟氏易三摹。老復丁無極。堅多節豈誣。采囊承露柏。銀佩綴山莢。體潔春鉏列。時艱力墨扶。軒弓重回首。簡矢願先驅。

李壬叔善圖七十初度

欲敏授時誼。慙非許公才。銅渾寫北極。玉鑑破東來。宣夜鑽三術。登高笑九能。千春曙幽漆。一日效風雷。未遇景陵世。對天虛上台。徒觀靈壽杖。醉扶宣城梅。

歐羅巴人。初得元朱世傑所著四元玉鑑。號東來法。遂知測算。

贈寂照寺法雲長老昌化人

予飲天目水。君草西溪圖。誰爲五漿餽。併作一乘泚。鄉味柑千箇。石根松半枯。牛車不用覓。相對憩團蒲。久不作詩拈筆短述。

崔生端不負丞公。爛踢天街曉鼓逢。石鼎夜鳴寒響夢。槐龍霜落勁隨風。娛文自是無常格。守餓依然覲國工。翻憶梅花洲上路。枉教朔雪望南鴻。

哭劉泖生

君出鄰州無復人。遙峯歸翼一酸辛。衡山有古詩碑。曰：薄煙幕遠郊。遙峯沒歸翼。止十字。夢中命駕渾無路。濁世論交覺有神。蠅抱腹。

非難語。龍逢皮相轉。眞金庭石室。不留地。況阨寢邱廉吏貧。去年莊叟中白濠梁痛。又值更生丹不成。縱使書成非妄歎。最難後死魂忘情。春來宿草要離冢。雪暗連沙右北平。應仗陶堂高君心變爲石志。相期文字慰平生。

丁年給事尙書省。垂老枝官亦佩魚。抱石申徒疑嫉世。草元揚子爲讎書。湖莊柳舍難尋約。君喜卜居水鄉。嘗以三泖流莊圖索。稚子偏親未絕裾。太息朱游終始義。朱竹石觀察爲料理身後事。抒哀情竭獨慚予。

效吾鄉田歌爲秀峯村趙丈六十壽

見父執如面耶。童時游釣隨巾車。竹弓射鴨草屨撈鰕。入深林際招簪履。我父督課如官衙。丈來一笑治躍鉞。嶺廟山呼蒼霞東。鵲泉烹嫩茶。太湖塘摘山果。歲穫水雲租。養社村酤賒。瓦盆一醉茅檐下。藤枕笋床敲復斜。無端盜賊起。孤兒生痛痂。父書觸手不忍讀。晚餘四丈童顏白髮而鬢髻。少者俄壯老鬢華。家產蕩盡還種瓜。自抱長鑱耕确磴。田荒牛少虎豕橫。豪吏索錢聞馬撾。祝公河車挽水餌丹沙。採藕十丈獲三椹。種桃滿谷如仙家。洞口流杯飯胡麻。衆難誦得尙書春秋與律令。告誡牛醫馬走思慮無由邪。何用挂朝籍。役智于無涯。長樂老復丁。著書齊隆窪。敬父執如面耶。抽簪歸去跨牛背。親捧釣竿隨古槎。裏菱塘魚可叉。琴高生壽命遐。龍女絹容顏姱。

太息一首贈李雨蒼副都護庚辰

太息劉中壘。能奇陳子公。馬嘶青海塹。虹挂雪山弓。吹劍氣爲白。投鞭吾欲東。君王擊鼓意。失計莫和戎。

張芝浦丈出爲陝安兵備。作詩送之。

張君筆端可以迴萬牛。

用浩翁贈宛邱句

嘗乘仙槎古黔州。十年東觀弄文史。一日西笑控旌驄。蓬萊左股地肺右。

自言游跡東南周。洞庭窪尊澆苦酒。黔山玉帳資雄籌。有時餘興出秀句。雲煙潭沲不可收。坐藏人海斂

奇翮。起家列戟辭霜繡。補游西北天乞與。牢籠景物須瑯鏡。精誠迴看白獸闥。意氣欲鑄青金虬。興元地

形天下強。綰轂仇池氏與羌。謀秦葛鑿赤岸庫。開蜀丁走金牛鄉。誰穿天穴五百里。褻斜磨厓厓石紫。箕

營谷裏寒玉倚。得侯千戶饒如此。時艱燒棧襟喉壯。事定勒銘文字美。列州將吏隨低昂。出得專城差可

喜。烹魚忌碎牧羊煩。力行君應慎張弛。吾師方膾制河魚。舉主聲亭少空時官浙提學丙穴異味更何如。待君內除還

掌制。醢池黃九佐揭藥。椽曹蕭然百甕菹。未得懷鉛讎祕書。天甯寺頭花市鬧。何日拍浮岸幘重相於。知

攜西狹驚人句。莫忘清時議石渠。

題辭十九神山訪碑圖

卽左司集中。全椒道士所居許。

鍊師定力不畏虎。能致章公酒一尊。石髓飽餐騎鹿去。惟餘筆勢在雲根。

左司蕭澹四十字。才盡東坡與阮亭。欲識飛仙舊行迹。亂山合沓四圍青。

詠齋前竹

含粉籊龍抽六箭。連珠菌子茁三釘。蒸成何似冬生壽。付與幽人齊物經。

集槐廬齋中。作山谷道人生日。

碣石欲掃海鳧髭。一雨全燕雲滔滔。風簾燭淚薦溪毛。下拜者誰龍伯子。論詩妙得涪翁髓。十四庚辰一

彈指。

元符三年庚辰。山谷在戎州。

戎州吹去又宜州。瘴衣腥膩薦瘴羞。孤光日穀破閭浮。摩圍閣倚屠牛機。松風一吹

七弦希。遺俗至今習癢瘳。

王篇。癢瘳熱悶也。古樂府妃呼豸應作癢呼豸。謂張口舒氣。如應吁語助之比。惺子居說。

灝陽社人意甚真。竹根澆客無邊春。

八桂老人聞不聞。龍蛇起陸痛時危。靖康丙丁是元龜。我醒欲正熙豐辭。不如去舒州山谷寺。安隱騎牛工辟世。靜看夏簟解衣肱石筍。

偶題

高密未遇時。材堪郡文學。淩落長安街。憤揮不掩足。萬物埃其賓。空齋惟袍襖。鄧林與瓜蔓。生意同齷齪。鄰槐俛屋山。一雨翠如幄。蠹書竹粉殘。古薜垣衣剝。突煙鵲喈喈。柃花雞喔喔。倘歌甘澤謠。應如洛生濁。贈辭十九首

高榆三兩株。蔭我茅一椽。古道鹿蠢蠢。圖史散後前。煙華宴坐處。石淙意超然。我媿韓博士。亦復五楸牽。跼然喜君來。葛衣兒女褰。

九鑽南梁槐。三纒北地葛。

家口寄居全椒者九年。蕭梁時。南梁太守僑治於此。

舊巢水石痕。時夢魚梁闊。桑下有餘戀。親知況天末。晦

明東西臺。懷鄉尤咄咄。一被羊裘去。何殊鮎竿脫。

林居臥閱世。穴蟻防潰隄。濫觴不早塞。虹洞挾沙泥。亡羊牢未補。爭鹿媿終攜。緇短深鑿井。鑊長寒劓畦。

吾忘適之適。抱甕厭聞聲。

律身常畏微，求志不在小。身在菰蘆中，志徹萬象表。緬懷桑根翁，羣醒獨見曉。斜川嗣東坡，豈爲青紫燒。歸草新宮銘，目窮丹經眇。

士中有馮煦，顧雲吾愛若笙磬。炎天嚼冰雪，疊俗猶聽瑩。遇窪氣常充，世拙道自勝。去盍從之游，擺落小根乘。欲贈乃無言，百藥自求證。

哭董策三戶曹

甓社湖邊無枉札，文游臺下弔空舲。楓青漚白難爲約，臂彈尻輪竟不停。觀化一巡無此學，折楊三疊有誰聽。卻思舊日同游處，邗水浮煙絮化萍。

清寒書局共三年，問疾尋春在眼前。君辨三條蔥雪剖，君熱於西予忘六鑿駝蛩憐。思林苗地風雷墊，藝海

乘汭日夜穿。今日京華仍瀟落，寄書有淚到窮泉。

對天名論服蒿庵，張稷若先生有天道論倚伏環中不可覃。斥贈窮交知長者，君一同年友失官落魄不能歸，賣書衣助之獨耽元理助清

譚。河車灌腦三淵靜，沙篆吞旬六釜參。石火杳然何處覩，劇憐薊北望淮南。

夜

晝苦塵鞅接，蕭寥獨愛夜。箕斗插屋櫺，風螢晃空榭。東癡名偏奇，大令書凌跨。王獻之遺書訣表云：乞食揚州市上，一老母姓沈，惠臣一蟹

無以答其意，臣于靈臺氣逾存，琴思靜初罷。自有閉門車，何須夢秋駕。譏譏自言明，傲以冥萬化。竹露青

嬾娟，澄晶洗炎夏。宥此斧斤餘，天教籀龍赦。薪殘桂蠹然，跋見松脂借。肥夢炊黍閒，浮榮彈指暇。知交迹

也疏。盡耐倒噉蔗。黃絹與青奴。一室相枕藉。雖非情失半。略恥畢過嫁。牛歌編槿籬。猱升縛藤架。何須對
露堂。何必青冥靶。有琴得忘言。有子號不暇。踵息去來今。臥游嵩岱華。雖耽委吏閒。幸免長官罵。鄙吝執
自甘。意氣未能下。微吟常至戊。曙鵲噪寒舍。

愁臥一首

張長公貧。煙火微。厭聞海立更烽飛。達官瓦注迷金注。愁臥林衣閒石衣。坐失事機空盱食。曾無良藥起
風痹。欲從季主筵。簞卜新雨天街待振衣。

送鄧獻之歸黃岡

鶉首朝媾秦。牛耳夕要楚。我欲東求滄海君。頤洞傷心波浪阻。徒令黃州老禿翁。逕著莎衣掉頭去。胡不
上書言天扉。胡不借籌衣短衣。兀然盡日閉蕭寺。把卷據梧長忍飢。竹閒茶熟攜石銚。蒼雲蔽天淨暉暉。
不嫌蕉萃百寮底。如髮青山一棹歸。岐亭松花酒初熟。郭索蠃美槎頭肥。厭聞世議脂與韋。山林鼎貴隱
不排。規陂待種魚干石。度形仰纒桑十圍。秋風銅狄戒將違。予亦陽阿髮欲晞。

獻之次均枉答。托其鄉竹田魚蕩之勝。所居去寒溪西山。隔衣帶水耳。欣然會心。遂復和之。

郊原新雨洗新秋。極望西山出平楚。卻憶臨臯亭前雪浪春。夢痕鰕菜扁舟阻。苦道鄧侯挽不留。頗憎殘
暑推未去。寒溪炊煙隔江扉。松子爲糧薜作衣。宦游卅年不歸去。花落山中黃鶴飢。改官金門老執戟。何
似扁舟散髮弄清暉。女縫天吳裁褐坐。兒騎秧馬行水歸。憂時自有濟時相。學道差便吾道肥。冥心獨往

無弦韋。一浴丹池藥百痂。細餐籬下玉版味。厭勝人間金帶圍。求田甯與志相違。富貴何如草露晞。

碣石行次前均

時有俄警。大軍屯山海關一帶。

堯欲鞭羊舜荷箠。百工袖手安越楚。蔽障渠答碣石閒。表裏河山天險阻。不鞭其後惡能減。弩弱獸強搏矢去。胸作東門今薊扉。鹵田葦海水生衣。開渠灌田迹久廢。戾陵鄆上鵠民飢。中流舟膠維楫敗。未濟何由君子暉。坐令大食黑衣伍。寶玉肱桡連檣歸。載書如山槃不定。撐犁食言能自肥。蒙皮笑倒南杜韋。梁

觀。南杜陵人。

昔何精悍今何痂。腰橫金帶朝乘障。雪沒桑乾夜打圍。徙薪徐生與時違。翳郭蓬蒿陽不晞。

夜集

樂餌縱能娛暫客。淡言誰識道堪親。野夫爭膝白漚席。驚座從投方角輪。竹壓藤陰花作霧。笛吹雲破月常新。漸西歌管濛濛路。江月江花憶酒人。

送汪仲伊作令山西。卽題其所著書卷尾。

空堂讀書三十年。不如一詣跛主簿。古人已抱不傳死。今見汪君如更睹。知名憶在巳年秋。辛未殘冬欣接武。走時貞疾蟻鬪牛。君爲察賑候兼部。千年枸杞不可得。九節昌羊通藏府。後遇至人傳衛生。液液解冰參納吐。猶蒙傳語問無恙。高臺多風太室雨。蠟蛭一別十年閒。春榜名登碩人俟。喜來手腳輕欲旋。重欲顏行敏金鼓。先生故是不可量。一第何能增宛屨。稍聞餘技販丹經。未遣追風籟元圃。倘得雲中萬家縣。猶勝日下丈二組。我逢佳客始開門。握手大嘔百痂愈。初從別緒說萍流。復述學涂辨堂廡。齊賢沈郎

丙戌科。臭腐雲煙何足數。明陰洞陽玉精英。出律入禮黃閒弩。百金并辦千金方。學海君能徒手取。文家蟬噪儒家替。紛紛出入相奴主。亭林雅有廓清力。博野三物猶小補。君由其數知其理。尙書四七易三五。刪除蹈襲存心得。山陰黃精陽石乳。刀圭涕世古靈言。一藥一病今可譜。自言壯悔少猶粗。述者漸希能信古之燕之粵途非僻。漱飲寒衣意良苦。區田一卷尤時宜。桐君六丁來摸肚。君少著區田法二卷。辛酉流徙桐廬而失之。或爲山中道流所得。未可知也。灑然示我弢廬圖。黃山百靈抗天柱。花藥熠熠室虛明。頌稚熙熙治酒脯。風吹木瓢豈尸舜。花落青牛不適楚。漸江來從三天都。我酌其甘醕神禹。清瑩徹骨無由邪。上有白雲如白羽。自敝吾友戴望與莊。械太息儒名行多賈。戴君語賴有夫君起衰圯。正言一敵羣哇咻。先生所居卜歲穰。晉祠流水神弦撫。何如陳力遺補閒。宣室藥言窮蜘蛛。況今帷幄求良籌。四譯方開敵人戶。胡爲論道阻江湖。箕簋明堂虛搏拊。憶昔閭朱諍僞書。並馬臥茵同起舞。劉宋日精與月鬼。作爲歌詩相戲侮。世事方殷嗟力薄。求子贈言爲積矩。翩然小別一千春。龍泉捉爾延平浦。湘鄉贈劉公蓉詩云。千山捉臥龍。

題仲伊後緹縈傳奇

習之手表高貞女。石筍曾歌女李三。解道百男何憤憤。藉詞漆室風嫻嫻。

欲歸三十均

見說山中好。憑將耳洗淵。野人來問姓。山鳥不知年。沙篆潮平嶼。風鈴塔臥煙。柳銜魚戢戢。竹剖溜涓涓。雪後皆奇嶂。梅時有別天。橘王螭獻果。蓮女鷺看船。仙子松毛瘦。高僧石脅穿。藥鑪鉛虎候。香木蟄龍涎。

赤箭陽崖苗青甯暗靈懸。僻應門列權靜則枕流泉。高詠呼相縣幽尋買笋篴酒籌千日醉花插四時妍。上下洞相望。東西屋作箋。銅柝入林餽。雲笈過庭編。壇籙風頻掃。窗塵日晏眠。幾經歌舞異。忽復歲時遷。喪亂弓亡楚。音書燭誤燕。倦思遼鶴返。狎憶海漚便。一泛寒溪掉。重支老屋椽。芋魁從乞種。稻礪不論錢。考牧金華客。輕裝范蠡賢。鑿渠畚細石。垂釣撒芳荃。八節灘何許。三層閣有焉。蒼官與青士。把袖復隨肩。泉壓中濡美。簞排下潁圓。睦親坊野語。石屋渡迴沿。女褐鍼穿鵲。兒書角挂犍。勅無關世事。坐欲破寒氈。夜雨響山葉。秋花明驛田。欲歸歸不得。斷爛對床篇。

送辛楣郡倅南游四絕

沙土園荒屋兩頭。題襟何況問湖樓。舊來結社都陳迹。一隻飛鴻又叫秋。東青門裏精廬好。學派旁行渾鄭齋。解轡何方尋柱史。壘山藿燭語空諧。何日精廬共一鐙。居然北秀對南能。折蘆渡水頻相送。莫謂寒蛟不可罾。餞秋仍望白雲司。三宿巢痕欲去遲。爲我將書吳市尉。禿裘招隱索新詩。

燭栗示女

白鷄寒谷味霜風。催送來如能疏栗事。喚取覓多枚。

九日城西登高

東家儒詰西家墨。南潮窪言北潮高。一笑戲門至游子。意行太室啖松毛。

香山漠漠樹濛濛。紺宇瓊臺極望中。吾屬新亭休迸淚。龍超氣與濁流東。

又至畏吾村茶陵李文正公墓

簪裾昔是畏吾村。藥採今傳懷麓墓。惟有蒼官蛻後鱗。化作龍泉飛欲去。

雜言

野水歸牛浮鼻。穹林宿羽同龕。從諛村翁頑鄙。弱年五十三參。

又

曉盎荷衣蠶落。夜窗竹影參差。一日中含四序。個中消息誰知。

又

夕翔雞栖莎棚。朝呼鳥啄餘糧。無水無山處隱。薈騰一枕風涼。

又

衣綻應訶女隸。春粗爲責髯奴。竟爾標枝野鹿。中流何處尋壺。

槐

屋上老槐千龍鱗。夜風霜寒枯欲落。大聲呀豁又微吟。洶洶波濤春枕作。坼茅卷土不肯降。槐距檀攻皆削弱。夢迴酒醒風力微。浩如虛舟絕大壑。九關人寂虎冥冥。起看南枝挂一星。挽著滄江無用處。坐聽雞號霜滿庭。

後寰海二十首

續邵陽魏默
深先生作

請纓恥類牂生突。獻議嫌逾突。徒薪何况桓侯仍目笑。不如閉口飲吾醇。未能外乞句漏令。且判勸漉雲安春。殘生傷性等閒耳。蒼好何殊螺贏倫。千里金隄蟻早摧。楊光先枉殺奇材。勝朝番舶金葉表。半出中行說翦裁。欲迴四海純秋氣。端在雷霆一發聲。景陵寬大秦陵肅。何物撐犁能弄兵。

恥言農戰競文儒。

梁任昉策秀才文云。今農戰不修。文儒是競。哀江南賦。述天監大同間事云。天子方刪詩書。定禮樂。宰衡以干戈爲兒戲。搢紳以清談爲廟略。此切中利病之言。乃史筆也。

四庫椎

輪智飾愚。始謬諸城能燭遠。絕勝發難越髯朱。

開四庫館之議。劉文正公以爲非常時急務。擬廢。曾河奏不下。而于金增力持之。

新柳新桃青已黃。東風一吹數尺強。妍枝緝榦三年大。付與兒孫作屋梁。

亦有才名動亶洲。長沙表餌術悠悠。計東虛挾籌南論。猶笑盈廷築室謀。

永樂虛傳柔遠名。貂璫日夜海西行。漏卮一疋嫌何晚。早見舟移壑不盈。

亭林久廢郡縣論。何意張大車師庭。

此寓某巨公。奏設新置郡縣事。

歲投千萬蒲昌海。人臣之利何聽瑩。

信作平聲。

差倚黔夫鑠北門。黃金橫帶自言尊。非關手足輕頭目。奈有委蛇鶴在軒。

旱母奇荒那可論。出師今日繫凶門。

此寓某公。奉命守山海關。遲延不赴防所。

鼓聲不起高牙靜。朝氣纔明日又昏。

海王幾日膠投越。山鬼何年壁遺秦。賴有德齊兼地醜。祇愁活國更無人。

六千里楚甯爲役。百二關秦莫敢何。一部索倫精手好。雞鳴牙帳久聞歌。

俄人近於東部額汎外。別募哥薩種人二萬餘。爲兵。耐勞善戰。哥薩

一曰羅刹·卽我之案倫也·在黑龍江北岸·近爲俄割去·華文右行·謂之案倫·俄文左轉·謂之羅刹·七條圖·指羅刹部落·爲俄羅斯別名者誤·

祖國金銀積氣存·摸金校尉健無倫·緣何輸稅蠻夷帳·不論西鄰榆北鄰·

二盤何有松泉石·田盤山·相傳云上盤石·中盤松下盤泉·招隱盤中三畝宅·何方更覓田子春·邀我金華牧羊客·

辛有不作徒戎論·子囊空爲城郢謀·時賁有疑·請增築都城·亟辦防堵者·東丹健兒好身手·挽強更臂奇毛游·

粗才霧隱執袁豹·謫諫風微無觸龍·但使安排國工在·不辭去作蔣山傭·

衡尊醉了又窪尊·爛漫顰郎一笑溫·爲飲易爻壬柱腹·不嫌剝啄午題門·

驕胡火色網恢恢·完顏亮大舉侵宋·宋人占焦氏易林·驕胡火形云云·果驗·未遣豪酋飲馬來·終信鶉頭天不醉·何妨龍岷地能迴·

庚申庚子又庚辰·金木相軒豈數屯·蓄艾臥薪君相事·祇慚泔澣不能神·

潘孺老·著新帽曉行隘巷間·爲人攫去·戲賦新詩·將以獻嘲·

榮叟鹿裘老帶索·十年一冠裁簇新·不隨時樣新先輩·翻過惡少相陵胸·公然抱帽驚兔脫·先生禿髮故

不瞋·先生戲改杜句·公然抱茅入竹去·唇焦口燥呼不得云云·謂汝政苦寒飢使·亦坐先生槃散行·踐踐歸呼赤腳婢·還覓舊頭巾·由來

美服患人指·細悟養形須外身·從此看花醉逐少年隊·峨冠者鄙窮酸親·金甌一擲弁髦耳·何暇出戶喪

吾真·勁風催霜席自煨·一室自釀羲皇春·漫持章甫適諸越·未必儒冠能誤人·吁嗟乎·巧偷鉤·豪奪國·發

冢大儒稽古力·人閒六鑿還相賊·古今得喪一例哈·小往安知無大來·

和前作

潘存

君不見杜陵翁。秋風吹破屋。村童竊茅徑穿竹。又不見玉川子。惡少騎屋山。渾舍驚怕走告官。我今不作焦唇呼。亦復不下長鬚狀。厭故喜新盜之招。畏壯侮老人非妄。一身百體頭最尊。宜如羣臣奉大君。豈知各自私所有。冠敝苴履誰能援。楚人亡弓楚人得。此去誤誰隨所適。歸來寒月照華髮。頭童戴天喜不隔。世間萬事同戲劇。巧偷豪奪知何極。讀君詩罷爲岸幘。不須大小說往來。人生當著幾輶屐。

買菊

蓄琴經年。嗟不彈。捐書時復讎肺肝。先生蒼好究何寓。夜分鶴叫知天寒。窮年觀物自娛樂。偶編虎落斬枯竿。避賢讓出菊花路。俸錢一囊留幾看。東家栽菊白玉杵。西家步障青珊瑚。長安菊譜種有幾。西施沈醉虎鬚漫。京堂菊市甲天下。色目甚多。貴家爭尚之。視舊譜所收數倍。傾囊第取飽我眼。粗花細葉皆可餐。磁州瓦盆三十輩。聊辱佳客兒童謹。就中黃白得氣早。正色詎假穀朱丹。長鑣無地可耕牧。閉門抱甕甯辭難。還燒牡鞠治墻戶。且養金精補藥欄。先生獨酌晚色淨。頽然更倚青琅玕。

題瀨上舟

種竹支扉三日辦。眞成物外一虛舟。風簾裊裊龍蛇影。雨几浪浪鳬雁游。寂靜藏山終日住。虛明沈陸百無憂。莫嫌弊漏牽難去。檻外從君試直鉤。

丁氏

松下丈人紫芝曲。城東冷泠竹並榮。朱楓而後好兄弟。金石爬梳眼更明。

答和譚全椒

舊游漫與說同袍。山縣新礪試孟勞。白壁明珠多按劍。甘瓜苦蒂任懸匏。名浮道術猶堪恥。日飲亡何且自豪。漸入中年感哀樂。相要寒節證孤高。

懷鄭令君

時從軍渝關

八分瘦硬老鄭虔。攜手一別山蒼然。盜課謫官歲行暮。苦寒從軍私自憐。萬牛挽著無氣力。一雁叫空誰爲傳。悠悠名利等閑耳。腐鼠豈足污貞堅。

椽曹

椽曹坐閱歲崢嶸。寂歷疏寮納晚晴。床上文書從束笋。階前草露競駢睛。哀家梨美誰蒸熟。方竹筍圓或削成。忽聞石鼎細泉響。餘竅更作蒼蠅鳴。

客坐

客坐能令吾喪我。尸居不畏鶴嘲鵝。腰金掇紫須臾耳。錄錄抱關甯汝訶。卞田居云。鵝性頑而傲。刺時也。樂天有鵝贈鵝詩。

腐儒

江左風流苓落盡。楊鐸劉履芬莊域李望祖一時陳清尊。且共潘初老。謂羈大筆誰書范逸民。瘦竹荒寒疑有雪。喬松廣大不生鱗。腐儒解作一生事。雞柵縱橫詎厭貧。

街東

馮家亭子樹冥冥。枯木鶻巢深竹青。風來簌簌葉自落。雲黯垂垂波不停。雙煙微裊博山火。一石橫臥匡廬屏。經行偶此憇寂寞。夜來雪壓荊扉局。

閑中

閑中日月堂堂送。霧裏文章競競棲。曉榻槎牙欣欲吐。南窗且可遲融冰。

巷南

戲贈潘高士存
瓊州人

巷南許叟融而諧。巷北李郎辯而褊。巷西髯張外閭而內明。巷東臞鄧內腹而外撻。此皆良士一敵萬。操術差強學能踐。未若海南山人擇處高。雲壁潭潭萬重巘。彼皆刺口論時事。干莫神鋒或傷雋。先生不言道自存。其氣充然遇還塞。滂礪胸中開典禮。長風冷泠滌淙淙。又如廣谷秀穹林。百泉洄洄潤墳衍。終年兀坐何思慮。慮則千絲抽獨蠶。四枯四實泥蟠蟄。乍陰乍陽霧豹變。千年斧鑿施手開。萬口纍疑一言讞。用爲義和佐平成。舍則黃綺矻頑愎。胡爲棄賓復棄賓。淩落窮閭知者尠。春風吹花席爲門。寒日縛竹茅自翦。呼兒植援雞喧柵。喚嬾作糜鵲噪廡。先生晏處故超然。絳雲在空自舒卷。大賢慙世不賦俗。惟用法律自詘齷。窮通有如嬾寒暑。年運而往何勞餞。我知理勝兼孚勝。玉璫誰歟推子善。殘冬地寒床有龜。竈觚晨炊食無樹。游魚甘鰓烏甘林。曷不開尊暫游宴。醉來兩忘心語口。生後何知龍作艇。城南寺松一百尺。且可年年抱霜霰。

聞亮生不作廬州之游

不去扶桑觀浴日。卻于何處閱桑田。屠龍屠狗惡乎可。無水無山著處便。柱下谷神猶有術。井窪河伯莫輕傳。終宵爛地知何宿。見則閻浮大有年。

少宰仁和夏公挽詩

萬感蒼茫日。良臣不慙遺。洊雷虛講幄。少海況聞鼙。夙訪百泉社。公嘗問學于興化劉中允。今亡一鑑師。蒼鹽長不改。儉德少人知。

又

鄉國淵無潤。人文方眇然。如何湛盧去。不使傳車還。景孰浮雲翳。貧無下溪田。未忘閣門語。不獨痛摧遷。丙子唱第日。還公將入直。垂問近日疆吏。多陳夸事。平其得失若何。

地用莫如馬三首

地用莫如馬。不甯西北徠。時危恥苟出。德勝賤逸才。衰矣鳳栖枳。天閑龍與媒。利毗知嚮乘。感遇存風雷。日落幽燕氣。蕭條空復臺。

人用莫如龜。八九鑊無遺。叢菁不復茁。蓮葉亦傾危。方策有南董。純深乃器師。千年枯桑爇。聲銷防樞機。(機)天用莫如龍。洞林河冥密。陽德始萌芽。元精貫華實。非爲衆者馴。乃自三淵出。柔中有剛夬。利器藏不疾。慎毋魚服困。取笑鰕與蛭。日躔有清明。大野轉蕭瑟。

孺老謝予曰。不如逐伴歸山去。長嘯一聲煙霧深。云云。戲答一絕。

嬖公劍術本粗粗。那得仙姝一起予。會使林深不可見。煙餐霧隱且胥疏。

宅中竹

幽燕地寒無大竹。寒篠亦復存典刑。娟娟翠袂秀籬落。歲晏華予勤六經。午無炊煙餅粟減。雞鳴高樹鶻噪肩。夜中月篴寒玉影。瓊細斜上青金屏。霜朝霧暝不可說。石瘦苔古無全形。蟲蟲冬旱陽氣泄。風伯吹雲腳不停。壇場駿奔圭璧罄。閉凍不固愁蝗螟。材屏豈辦作公輔。休疹感召如梓梓。隕霜不殺戒諸史。蘭根枯死塵冥冥。安望明年籀龍茂。開花結實製頽齡。低田宿麥龜坼兆。小窗落日荒亭亭。此君寒癡睡不醒。吾將驚之以雷霆。

朝市

何物可醫適俗士。鵲啁鷹呼來賀貧。園官送菜寒十束。竈婢量薪支一句。松節燒殘石髓熟。溼煙凍破梅花皺。非朝非市操何術。猶媿几蓮耕鑿民。

